
“Ke laetsoe hore ho likereke tsa rona, Balang lingoliloeng tsena. Li ngolletsoe ho re khalema le ho re khothatsa” – 3 Selected Messages



BUKANA EA TLATSETSO EA SABBATHA SEKOLO (KOTARA EA BOBELI)

Tlhakubele – Phupu 2018

Karolo e kholo ea liqotsulo tsena e hlaha Likhaolong tsa Buka e bitsoang “The Great Controversy”

Botoloki bo hlophisitsoe ke lefapha la Moea oa Boporofeta - Lesotho Conference

Bahlophisi: J. Mahao, B. Rakolobe, T. Letuka le P. Thinyane

Mohala: (+266) 5812 3017 | (+266) 5714 4982 | (+266) 5684 5820 | (+266) 5990 0806

LENANEO LA LITHUTO

THUTO EA 1: Ntoa E Sebakeng Sa Maholimo (<i>Tlhakubele 31-'Mesa 6</i>).....	1-2
THUTO EA 2: Daniele Le Mehla Ea Bofelo (<i>'Mesa 7-13</i>).....	3-4
THUTO EA 3: Jesu Le Buka Ea Ts'enolo (<i>'Mesa 14-20</i>).....	5
THUTO EA 4: Topollo Le Mehla Ea Bofelo (<i>'Mesa 21-27</i>).....	6-7
THUTO EA 5: Kreste Ka Tabernekeleng Ea Leholimo (<i>'Mesa 28 – Motšeanong 4</i>).....	8-10
THUTO EA 6: Phetolo Ea Molao (<i>Motšeanong 5-11</i>).....	11-13
THUTO EA 7: Mattheu 24 Le 25 (<i>Motšeanong 12-18</i>).....	14-16
THUTO EA 8: Khumamela 'Mopi (<i>Motšeanong 19-25</i>).....	17-18
THUTO EA 9: Lithetso Tsa Mehla Ea Bofelo (<i>Motšeanong 26 – Phuptjane 1</i>).....	19-20
THUTO EA 10: Amerika le Babilona (<i>Phuptjane 2-8</i>).....	21-23
THUTO EA 11: Lets'oao la Molimo kapa Lets'oao la Sebata (<i>Phuptjane 9-15</i>).....	24-26
THUTO EA 12: Babilona le Harmagedone (<i>Phuptjane 16-22</i>).....	27-28
THUTO EA 13: Ho Khutla Hoa Morena oa Rona Jesu (<i>Phuptjane 23-29</i>).....	29-30

TATAISO

GC - The Great Controversy

AA – The Acts of the Apostles

PK – Prophets and Kings

RH – Review and Herald

NTOA E SEBAKENG SA MAHOLIMO

“Joale ntoa ea e-ba teng leholimong, Mikaele le mangeloi a hae a loantsa drakone. Drakone ea loana, e e-na le mangeloi a eona; empa ha ba ka ba hlōla, 'me ha ba ka ba hlola ba e-na le litulo leholimong. 'Me drakone e kholo, e leng noha ea khale, e bitsoang Diabolose le Satane, e thetsang lefatše kaofela, ea lihelo; ea lahleloa ntle, ea lihelo lefatšeng, le mangeloi a eona. Joale ka utloa lentsoe le leholo leholimong, le re: Joale, ho hlahile poloko, le matla, le 'muso oa Molimo oa rōna, le matla a Krete oa oona; hobane mongosi oa banab'abo rōna, ea neng a ba ngosa pel'a sefahleho sa Molimo motšehare le bosiu, o lihetsoe. Ba mo hlōtse ka mali a Konyana, le ka lentsoe la bopaki ba bona; 'me ha ba ka ba re letho ka bophelo ba bona, le ho isa lefung. Thabang ke hona, maholimo, le lōna ba ahileng teng. Ho malimabe lōna ba ahileng lefatšeng le leoatleng; hobane Diabolose o theohetse ho lōna a halefile hampe, ka ho tseba hobane nako ea hae ha e sa le ekae.” **Tšenolo 12:7-12**

SE BAKILENG NTOA EO KE SE FE?

Pele bobbe bo kena, ho ne ho rena khotso le thabo tlhohlong eohle. Tsohle ka ho phethahala li ne li tsamaea ka thello le thato ea 'Mopi. Lerato ho Molimo le ne le busa, lerato la e mong ho e mong le se na leeme. Krete eo e leng Lentsoe, ea tsoetsoeng a notši ke Molimo, o ne a le mong le Ntate ea hlolang ka ho sa feleng, --ba le bang ka sebopeloh, ka semelo, ka morero, -setho seo e leng sona feela tlhohlong eohle se neng se ka kena meralong le mererong eohle ea Molimo. **{GC88 493.1}**

Empa ho ne ho le teng ea khethileng ho senya tokoloho ena. Sebe se qalile ka eena, eo, ka tlas'a Krete, a neng a tlotleha ho

Molimo, 'me ea neng a lutse qhooeng ea matla le khanya ka hara baahi ba leholimo. Pele a oa, Lucifer e ne e le Kerubime ea pele ea mosireletsi, a halalela, a hloekile. **[Ezekiel 28:12-17]. {GC 493.3}**

Boikhothomoso ba khanya ea hae bo ile ba holisa takatso ea hae ea ho okamela tsohle. Tlotla tse phahameng tse fuoeng Lucifer li ne li sa ananeloe e le mpho ea Molimo, 'me ha ea ka ea susumetsa teboho ho 'Mopi. O ile a ikhaba ka khanya le maemo a hae a phahameng, 'me a nyoreloa ho lekana le Molimo. O ne a ratoa a bile a hlonepheha makhohleng oohle a leholimo. Mangeloi a ne a thabela ho phetha litaelo tsa hae, 'me o ne a apesitsoe ka bohlae le khanya ho feta bohle. Le ha ho le joalo Mor'a Molimo o ne a ananeloa e le eena ea okametseng leholimo, ea nang le matla le bolaoli 'moho le Ntate. Mererong eohle ea Molimo, Krete o ne a nka karolo, ha Lucifer a ne a sa lumelloe ho kena mererong ea Molimo. “Hobaneng,” ho botsa lengeloi lena le matla. “Kreste a tlameha ho okamela? Hobaneng a tlotloa ho feta Lucifer?” **{GC88 495.1}**

Ho amehile bo mang?

Ha a tloha sebakeng sa hae ka pel'a Molimo, Lucifer o ile a hemela moea oa ho belaela ka hare ho mangeloi. A sebetsa ka lenyele la sephiri, 'me khabareng a ntse a patile mohoasa oa morero oa 'nete oa hae ka ho etsa sa mokana-eka o isa tlhompheho ho Molimo, o ile a etsa matsapa a ho khothonya boipelaetso khahlanong le melao e tsamaisang libupua tsa leholimo, a sisinya hore li hanya tokoloho ho sa hloka hla. Ka ha libopeloh tsa bona lia halalela, o ile a khothaletsa hore mangeloi a mamele liqeto tsa thato tsa oona. O ne a ipatlela botšehetsi, ka ho hlahisa Molimo a mo hloketse toka ka ho fa tlotla eohle ho Krete. O ile a bolela hore ka ho chesehela matla a eketsehileng le

DANIELE LE MEHLA EA BOFELO

“Har’a ba ileng ba boloka botšepahi ba bona ho Molimo e ne e le Daniele le metsoalle ea hae e meraro—mehlala e phelang ea seo batho ba ka fetohang sona ha ba ka ikopanya le Molimo oa bohlae le matla. Ho tsoa malapeng a bo bona a ma-Juda, ao e seng a mahali-hali, bacha bana ba mali a boreneng ba ile ba isoa metseng e majaba-jaba ka ho fetisisa le mapatlelong a morena ea moholo ka ho fetisisa lefatšeng. Nebukadnezare “a laela Ashpenase, hlooho ea matona, hore a tlise ba bang ba bana ba lseraele, ba leloko la borena le la mahosana; e be bahlankana ba se nang sekoli le letheba, ba lifahleho tse ntle, ba bohlae, ba tsoetseng pele tsebong, ba fetisang ka kelello, ba lokelang ho kena tšebeletsong ea ntlo ea borena. . . . {PK 480.1}

Teko ea pele

Esale mathomong feela a tšebetso ea bona ho ile ha tla teko e hlokolosi haholo limelong tsa bona. Ho ne ho fanoe ka monyetla oa ho jela mekekeng le ho noela veini tafoleng ea bokhosi. Ka sena morena o ne a e na le mohopolo oa ho fana ka sesupo sa lereko la hae le khathatseho ea hae maphelong a bona. Empa karolo e ‘ngoe ke e ileng ea neheloa melingoana, lijo tse tsoang tafoleng ea morena li ne li abetsoe bokhumameli ba melingoana ea bohata; ‘me ea neng a nka karolo ho tsona o ne a nkoa a isa tlotla melingoaneng ea Babilona. Ka tlotla eo, botšepahi ho Jehova bo ile ba thibela Daniele le metsoalle ea hae ho nka karolo. Le moritaoke feela, ho etsa sa mokana ba e ja lijo tseo kapa ho kotjela veini e ne e tla ba ho koenehela tumelo ea bona. Ho etsa sena e ne e le ho khema le bohetene le hona ho nyelisa litšiea tsa molao oa Molimo. {PK 481.2}

Le hona ho ba le sebete sa ho ipeha tlokotsing ka ho inyakalatsa ho hlephisang kholo ea ‘mele, kelello le semoea, ha b aka ba etsa hoo. Ba ne ba tseba hantle nalane ea Nadabe le Abihu, bao lingoloa tsa ho hloka boitaolo le litla-morao li bolokiloeng maqepheng a matlalo a libuka tse hlano tsa Moshe tsa molao; ‘me ba lemoha hoba matla a bona a nama le a kelello a ka lematsoa ke tšebeliso ea veini. {PK 482.1}

A na boitšoaro ba bo daniele e bile taba ea ngope-tšoha?

Daniele le bo mphato ba hae ba ne ba ile ba koetlisoa ke batsoali ba bona litloaelong tsa boitaolo bo tsepameng. Ba ne ba ile ba rutoa hore Molimo o tla batla ho bona maikarabelo a bokhoni ba bona ho etsa lintho, ‘me ha ba tlameha le ka mohla ho thefula le ho kooafatsa matla a bona. Thuto ena e ne e le ho Daniele le metsoalle ea hae mokhoa oa ho ba boloka ka hare ho khahlamelo tsa Babilona tse hlephisang maitšoaro. Liteko li ne li le matla tse ba potileng mapatlelong ao a bolileng a boiketlo, empa ba ile ba sala ba sa silafatsoa. Ha ho matla, le khahlamelo, tse neng li ka ba suthisetsa hole le metheo eo ba ithutileng eona bonyenyaneng ka ho ithuta lentsoe le mesebetsi ea Molimo. {PK 482.2}

A na monyetla oa ho se mamele molimo o ne o le teng?

Ha Daniele a ne a rata, a ka be a fumane lebaka le utloahalang la ho sutha litloaelong tse tiileng tsa boitaolo. O ne a ka fana ka lebaka la hore, kaha o ne a itšetlehile ka mohau oa morena ebile e le mofo oa hae ea ka tlase ho matla a hae, ho ne ho se seo a ka se etsang ha e se ho ja tafoleng ea morena le ho noa veini; hoba ka ho itšoarella ka lithuto tsa Molimo, o ne a tla halefisa morena ‘me mohlomong a lahleheloe ke maemo a hae le bophelo ba hae. Ha a ka iphapanyetisa

molao oa Molimo o ne a tla hapa lerato la morena le ho ipokella ka menyetla ea ho nkoa e le ea bohlae le ho fumana thoriso ea lefatše. {PK 482.3}

Re ka ithuta eng litabeng tsa Daniele rona ba phelang kajeno?

Joalo ka ha Molimo a bilelitse Daniele ho mo pakela Babilona, o re biletsa ka ho tšoana ho mo pakela lefašeng kajeno. Linthong tse nyenyane le tse kholo tsa bophelo bona, o lakatsa ha re ka pepesa ka pel'a batho metheho ea 'muso oa hae. Bongata bo emetse mosebetsihali oo ba ka o fuoang, ha ba ntse ba lahlaheloa letsatsi le letsatsi ke monyetla oa ho bontša botšepahi ho Molimo. Ba hlohleha mehla ho etsa ka lipelo tsohle tsa bona mesebetsi e menyenyane ea bophelo. Ha ba ntse ba emetse mosebetsi o itseng o moholo oo ba ka bontšang talenta tsa bona, 'me ba khotsofatse litakatso tsa bona tsa ho atlela, litšiu tsa bona li ntse li feta. {PK 487.3}

Horizontal lines for writing on the left side of the page.

Horizontal lines for writing on the right side of the page.

TOPOLLO LE MEHLA EA BOFELO

“Ke tla bea hloeano mahareng a hao le mosali, le mahareng a peo ea hao le peo ea hae; peo eo e tla u khoba hloho, ‘me u tla e loma serethe.” **Genese 3:15.** Kahlolo ena eo Molimo o e neileng Satane ka mora ho oela ha motho e ne e le boporofeta hape, ebile e ne e kenyetsetsa le mengoaha eohle ho fihlela nakong ea bofelo, e ne e supa toants’ano e kholo e tla ama meloko eohle e tla phela lefats’eng. Molimo o re: “Ke tla bea hloeano.” Hloeano ena ha e tle feela. Ha motho a tlola molao oa Molimo, semelo sa hae sa ba soto, eaba ho e ne le hore e be sera sa Satane, e ba motsoalle oa hae. Hantle, ka tlhohleho moetsalibe ha se sera sa Satane. Bobeli ba bona ebile baetsalibe ka lebaka la ho koeneha. Mokoenihe ha a phomole ho fihlela a fumane kutloelo bohloko le ts’ehetso ka ho hulela ba bang hore ba latele mohlala oa hae. Ka lebaka lena, mangeloi a oeleng le baetsalibe ba kene setsoalleng se thata. Hoja Molimo a se ke a kena lipakeng ka tsela e khethehileng, satane le motho ba ka be ba kene hammoho toants’anong khahlanong le leholimo; hape ho e-na le hore e be motho o tletse ka bora khahlanong le Satane, batho bohle ba ka be ba kopane ho loants’a Molimo. **[The Great Controversy leqephe 505]**

Bora ba satane khahlanong le batho bo tukisoa ke hore, ka Krete, ke mehlala ea lerato le mohau oa Molimo. Lenyora la hae ke ho silakanya morero oa Molimo oa ho lopolla motho, ho nyelisa Molimo ka ho senya mosebetsi ao liatla tsa hae. ‘Me o supa ha bobo bona kaofela e le litholoana tsa mosebetsi oa Molimo oa ho bopa motho. Ke mohau oo Molimo a o melisang ka hare ho motho o hlahisang bora khahlanong le satane. Ka ntle ho mohau ona o sokollang, motho e ne e tla ba se-sebelisoa sa satane. Motho mang kapa mang ea bonahalang a

nyonya sebe le ho nena litakatso tse mpe tse neng li mo ts’oere pele, o bonts’a mosebetsi oa matla a hlahang Leholimong. **[The Great Controversy page 506]**

Satane o laela mabotho a hae, ‘me o a akhela ntoeng. Hobaneng ho bonahala ho se na ba mo loants’ang? Hobaneng masole a Krete oona a ts’oeroe ke boroko? Hobane ha a na kopano e phelang le Krete; hobane ha a na Moea oa hae. Ho fapana le monga bona, ho bona, sebe ha se nyonts’e. Ha ba hlokomele bobo ba sebe, le matla a morena oa lefifi. Ha batho ba sa eelloe maqiti ana a sera, sona se ba laretse motsotso o mong le o mong. Sera sena se its’unya hohle malapeng, mapatlelong a metse, ka hare ho likereke, likomoting tsa sechaba, makhotleng a molao; sea thetsa, se senya ‘mele le meea ea banna, basali, le bana; se thuha malapa, se jala lehloeo, liqhoebeshano le lipolao. Joale ho bonahala Ba-Krete ba hloma eka lintho tsena Molimo ke eena ea li tlisang, ‘me li kolela ho etsahala. **[The Great Controversy leqephe 508]**

Satane o phehelletse ho hlola batho ka ho thuha marako a ba arolang le lefats’e. Ma-lseraele a ne a hoheloa sebeng ha ba ne ba kena likopanong tse sa lumelloang le bahetene. Ho joalo feela le ka lseraele ea kajeno. “Molimo oa lefats’e lena o ba foufalitse likelello, ke ho re, ba sa lumelang, ba tle ba se ke ba chabeloa ke leseli la Evangeli ea khanya ea Krete, eo e leng sets’oants’o sa Molimo.” **2 Ba-Korinthe 4:4.** Bohle ba sa nkang qeto ea ho latela Krete, ke bahlanka ba satane. Pelo e sa nchafalang e rata sebe, ho se bokotsa le ho se buelella. Pelo e nchafatseng e hloile sebe. Ha Ba-Krete ba nka karolo likopanong tsa batho ba sa lumelang, ba ipeha pooaneng ea liteko. Ho ikamahanya le lefats’e ho fetolela kereke lefats’eng; ha e sokollele lefats’e ho kereke. Tloaelo ea sebe, joang kapa joang, e etsa

hore se bonahale se se se sa balehise 'mele. Ea khethang ho ikamahanya le bahlanka ba satana, o qetelletse a se a sa ts'abe monga bona. Ha ho etsahala hore ts'ebetsong ea rona ebe re khahlana le mathata, joalo ka Daniele ntlong ea morena, ruri re ka ts'epa hore Molimo o tla re sireletsa; empa ha re ipheha tlasa teko, re tla oela neng kapa neng.

Sera se sebetsa ka katleho ka bao ho seng motho ea ka nahanang hore ba ka tlasa taolo ea sona. Batho ba hlompamba barutehi le ba nang le litalente joaloka ha eka lintho tsena ke tsona tse rekang sefahleho sa Molimo. Litalente ke mpho ea Molimo; empa ha tsena li se li nka sebaka sa khumamelo, ho e na le ho atametsa moea ho Molimo, li fetoha leraba le thohako. **[The Great Controversy leqephe 509]**

Ka thapelo le ho its'etleha ho Molimo, Solomone o ile a fumana bohlahe bo ileng ba makatsa le ho hlolla lefats'e. Empa eitse ha a furalla Mohloli oa hae oa matla, a its'epa bo eena, eaba o oela lerabeng la teko. Joale eaba bohlahe bona boo a neng bo fuoe, eaba bo mo fetola se sebelisoa sa sera sa meea. Ha satane a ntse a leka ho fufatsa Ba-Kreste, ha ba se ke ba lebala hore "ntoa ea rona ha e loane le nama le mali, empa e loana le baholo, le mebuso, le marena a lefifi la lefats'e lena, le meea e bolotsana e sebakeng sa leholimo." **Ba-Efese**

6:12. Tlhokomeliso ea mehla ea rona e re, "Le tsohe masene, le falimehe; hobane Diabolose, e leng sera sa lona, o ntse a likalika joalo ka tau e purumang, e batlang eo e ka mo harolang. **1 Peterose 5:8.** "Aparang lihlobo tsohle tsa Molimo, le tle le tsebe ho hlola maraba oohle a Diabolose." **Ba-Efese 6:11. [The Great Controversy leqephe 510]**

Ho tloha mehleng ea Adama ho fihlela mehla ena ea rona, esale sera se seholo se ntse se sebelisa matla a sona ho hatella le ho senya.

Haa joale o ntse a itokisetse ntoa ea hae ea ho qetela khahlanong le kereke. Bohle ba nyoretsoeng ho latela Kreste, ba tla kena ntoeng le sera sena se sa sisinyeheng. Ha Mokreste a leka ka matla ho bapisa metsamao ea hae le ea Kreste, joale e ba o iphetola nyamatsana ea litlhaselo tsa satane. Bohle ba ikakhetseng ka setotsoana mosebetsing oa Molimo, ba phehella ho beha pepeneneng lithetso tsa e mobe, le ho hlahisa Kreste ka pele ho batho, ba tla nka karolo bopaking ba Paulose, moo a buang ka ho sebeletsa Morena ka boikokobetso ba kelello, ka meokho le liteko. **[The Great Controversy leqephe 510]**

Satane o ile a leka ho emella Kreste ka liteko tse matla, empa o ne a hloleha. Lintoa tseno Kreste o ne a li loana sebakeng sa rona; litlholo tseno li etsa hore ho be bobebe ho rona ho hlola. Kreste o tla fana ka matla ho ba a kopang. Ha ho na motho ea ka hloloang ke satane ka ntle le hore eena a itumelle ho hloloa ke eena. Satane ha a na matla a ho laola tabatabelo, kapa hona ho qobella motho hore a etse sebe. A ka hlokofofatsa, empa a ke ke a senya.. A ka baka mats'oenyeho, empa a ke ke a silafatsa. Ka lebaka la hore Kreste o hlotse, balateli ba hae ba lokela ho tlala ka morolo le ho loana ka senna khahlanong le sebe le satane. **[The Great Controversy leqephe 510]**

KRESTE KA TEREBAKELENG EA LEHOLIMO

“Ka talima,” ho bolela moporofeta Daniele, “ho fihlela literone li ba li beoa, ‘me Moholo oa matsatsi a lula; seaparo sa hae se ne se le sesojuoalo ka lehloa, moriri oa hlooho ea hae o no le mosojuoalo ka boea ba nku bo hlatsoehileng; terone ea hae e ne e tsoa malakabe a mollo, le mabili a eona a na le joalo ka mollo o tukang. Noka ea mollo e ne e tsoa ho eena, e matha pel’a hae ; o na a sebeletsoa ke likete tsa likete, limilione tsa limilione li ne li eme pel’a hae; baahloli ba lula, ‘me libuka tsa phetloa.” **Daniele 7:9-10.** Hoa hlahisoa ponong ea moporofeta, letsatsi le leholo le mahlonoko moo limelo le maphelo a batho a tlang ho hlaha ka pele ho Moahloli e moholo oa lefats’e lohle, moo motho e mong le e mong a tlang ho fumana moputso “o lekanang liketso tsa hae.” Moholo oa matsatsi ke Molimo Ntate. Ho bolela Mo-Pesaleme: “Lithaba li e-so ho ka li hlaha, u e-so ho bope lefats’e le lintho tsohle, e, ho tloha ho bo sa hlaheng ho isa ho bo sa feleng, e sa le u le Molimo”. **Pesaleme 90:2.** Ke Eena, mohloli oa lintho tsohle, le seliba sa molao, Ea tlang ho ahlola. Mangeloi a halalelang, e le basebeletsi le lipaki, ka palo e le “likete tsa likete, le limilione tsa limilione” a teng kahlolong ena. **[The Great Controversy leqephe 479].**

“Ka ba ka talima ka lipono tsa bosiu, ‘me bonang, e mong ea kang mor’a motho a hlaha ka maru a leholimo, a fihla ho Moholo oa matsatsi, a atametsoa ho eena; a neoa ‘muso, le hlomphe, le borena, hore ba mefuta eohle, le ba lichaba tsohle, le ba lipuo tsohle, ba tle ba mo sebeletse; ‘muso oa hae ke ‘muso o sa feleng, o ke keng oa feta, borena ba hae ke bo ke keng ba felisoa.” **Daniele 7:13-14.** Ho tla ha Krete ho hlalosoang mona, ha se ho tla ha hae hape lefats’eng. O tla ho Moholo oa matsatsi leholimong, ho

amohela borena le khanya le ‘muso, tseo a tlang ho li fumana ha mosebetsi oa hae oa bo-buelelli o fela. Ke ho tla hona, eseng ho tla ha bobeli lefats’eng, ho neng ho porofetoe hore ho tla nka sebaka ha matsatsi a 2300 a fela ka 1844. A sebeletsoa ke mangeloi a leholimo, Moprista oa rona e moholo o kena ka sehalalelisong, moo a hlahang ka pele ho Molimo ho phethela mosebetsi oa hae sebakeng sa motho – ho nts’etsa pele mosebetsi oa kahlolo ea patlisiso, le ho etsetsa pheko bohle ba lokelang ho fumana molemo oa eona.

Ts’ebeletsong ea tabanakele ea Moshe, ke feela ba neng ba ile ba tla ka pele ho Molimo ka ho ipolela libe tsa bona le ho libakela, le bao libe tsa bona, ka mali a likonyana li neng li isitsoe ka tabanakele, ba neng ba na le kabelo mosebetsing oa Letsatsi la Lipheko. Le ka letsatsi la ho qetela la lipheko le kahlolo ea patlisiso, maphelo a tlang ho lekoloa ke a ba ipolelang ka hore ka ba Molimo. Kahlolo ea ba khopo ke mosebetsi o mong o fapaneng, ‘me eona e nka sebaka hamorao. “Hobane nako ena ke eo kahlolo ea Molimo e ts’oanetseng ho qala ka ntlo ea Molimo; ‘me ha e qala ka rona, bofelo ba ba sa lumelang Evangeli ea Molimo e tla ba eng?” **1 Peterose 4:17.** Libuka tsa leholimo, tseo ho tsona ho ngotsoeng mabitso le liketso tsa batho, ke tsona tseo liqeto tsa kahlolo li ipapisang ka tsona. Ho bolela moporofeta Daniele: “Kahlolo ea lula, eaba libuka lia phetloa.” Mosenoli, ha a hlalosa ketsahalo e ts’oanang, o re “ha phetloa le buka e ‘ngoe, e leng buka ea bophelo; ‘me bafu ba ahloloa ka tse ngoliloeng libukeng tseo, e leng ka mesebetsi ea bona.” **Ts’enolo 20:12. [The Great Controversy leqephe 480].**

Buka ea bophelo e ngola mabitso a batho bohle ba seng ba ile ba kena mosebetsing oa Molimo. Jesu o ile a re ho barutuo ba hae:

“Thabang, hobane mabitso a lona a ngoliloe leholimong.” Luka 10:20. Le Johanne mosenoli o re ke feela bao mabitso a bona, “a ngoliloeng bukeng ea bophelo ea Konyana”. **Ts’enolo 21:27.**

Buka ea khopotso e ngotsoe pela Molimo, moo teng ho ngotsoeng mesebetsi e metle ea “bohle ba ts’abang Morena, le ba hlokomelang lebitso la hae.” Malakia 3:16. Mantsoe a bona a tumelo, liketso tsa bona tsa lerato, li ngotsoe leholimong. Nehemia o bua ka buka ena, ha a re “Oho, Molimo oa ka, u nkhopole ka baka la tseo, ‘me u se hlakole liketso tsa borapeli tseo ke li etselitseng ntlo ea Molimo oa ka.” **Nehemia 13:14.** Ka hare ho buka ena, ketso e ngoe le e ngoe ea ho loka e ngoloa ka ho sa feleng. Teko e hlotsoeng, bobo e hlotsoeng, lentsoe le leng le le leng la kutloelo bohloko, le ngoloa ka bots’ephehi. Hape ho teng pokello ea libe tsa batho. “hobane Molimo o sa tla isa mesebetsi eohle kahlolong, le tse patiloeng kaofela, leha e le tse ntle, leha e le tse mpe.” “Me ke re ho lona: ka tsatsi la kahlolo, batho ba tla tsekisoa polelo e ‘ngoe le e ‘ngoe ea bosaoana eo ba e boletseng. Hobane u tla beoa ea lokileng ka lipolelo tsa hau, ‘me ke lipolelo tsa hau u tla tsuoa.” **Moekesia 12:14; Mattheu 12:36, 37.** Merero eohle ea lekunutu e ngoloa ka boqhetsake; hobane Molimo, “O tla hlahisa leseling tse patiloeng tsa lefifi, le ho senola merero ea lipelo.” **1 Ba-Korinthe 4:5. [The Great Controversy leqephe 481]**

Molao oa Molimo ke sona sekala seo limelo le maphelo oohle a hlahlojoang ka sona nakong ea kahlolo. “Ts’aba Molimo, u boloke litaelo tsa Oona, hobane, ke eona ts’oanelo eohle ea motho; hobane Molimo o sa tla isa mesebetsi eohle kahlolong, le tse patiloeng kaofela, leha e le tse ntle, leha e le tse mpe.” **Moekesia 12:13, 14.** Bafu ba shoeleng ba lokile, ba ke ke ba tsosoa pele ho kahlolo. Ka

hoo, ha ba be teng ka nama kahlolong ha libuka tsa bona li phetloa le qeto ea bokamoso ba bona e fihleloa. **[The Great Controversy leqephe 482]**

Ha libuka li phetloa nakong ea kahlolo, mabitso a bohle ba ileng ba lumela ho Jesu a hlahlojoa pela Molimo. Ho qala ka batho ba pele ba ho phela lefats’eng mona, ‘Muelli e moholo oa rona o hlahisa litaba tsa bona ka tlhahlamano ea meloko, ebe o koala ka ba phelang. Lebitso le leng le le leng lea hlahella. Mabitso a amoheloa, ha a mang a lahloa. Ha motho a na le libe tse teng libukeng, tse so bakeloe le ho ts’oareloa, lebitso la hae lea hlakoloa bukeng ea bophelo, ‘me le pokello ea mesebetsi eohle ea hae ea hlakoloa bukeng ea khopotso. Bohle bao ka ‘nete ba baketseng libe tsa bona, ‘me ka tumelo ho mali a Jesu a ba etsetsang pheko, ba ts’oaretsoe libe le ho fumanoa ba na le semelo sa Jesu, libe tsa bona lia hlakoloa, ‘me e se e le ba lokelang bophelo bo sa feleng. **[The Great Controversy leqephe 483]**

Mosebetsi oa kahlolo ea patlisiso le oa ho hlakola libe o etsahala pele Krete a tla lefats’eng lekhetho la bobeli. Ha nako e fihla – e leng ha matsatsi a 2,300 a ne a fela ka selemo sa 1844, kahlolo ea patlisiso le mosebetsi oa ho hlakola libe tsa thakhoha. Kahlolong, litalente tsohle li tla shebisoa. Na re sebelisitse letlolo leo leholimo le re alimmeng lona? Re sebelisitse nako, lipene tsa rona, mantsoe a rona, lichelete tsa rona, lits’usumetso tsa rona joang? Re etselitse Krete eng ka ho hlokomela bahloki, likhutsana le bahlolohali. **[The Great Controversy leqephe 485, 486, 487]**

Bo-buelelli ba Krete tabanakeleng e leholimong bo bohlokoa leanong la topollo, tje joaloka ha lefu la hae sefapanong le le bohlokoa. Ka lefu la hae, o thakhotse

PHETOLO EA MOLAO

“Me tempele ea Molimo ea buloa leholimong, areka ea selekane sa Oona ea bonahala tempeleng ea Oona.” **Ts’enolo 11:19**. Areka ea Molimo ea selekane e ka sehalalelisong, e leng ka phaposing ea bobeli ea tabanakele. Bosebeletsing ba tabanakele ea Moshe, bo neng bo ts’oants’a tse maholimong, phaposi ena ea bobeli e ne e buloa feela ka letsatsi le leholo la lipheko, ha ho ne ho hloekisoa tabanakele. Joale, phatlalatso ea hore tempele ea Molimo e ile ea buloa leholimong, ‘me areka ea selekane sa Oona ea bonoa, e supa ho buloa ha sehalalelisiso sa tabanakele e leholimong ka selemo sa 1844, ha Krete a ne a kena ho phetha mosebetsi oa ho qetela oa lipheko. Bao ka tumelo ba latetseng Moprsta oa bona e moholo ha a ne a kena bosebetsing ba hae ka hare ho sehalalelisiso, ba bone areka ea hae ea selekane. Ha ba ntse ba ithuta ka tabanakele, ba fihlela kotluisiso ea phetoho ea bosebetsi ba Krete, ba bona hore O se a sebeletsa ka pele ho areka ea Molimo, a buelella baetsalibe ka mali a hae. **[The Great Controversy leqephe 433]**

Molao oa Molimo o ka hare ho tabanakele e leholimong ke oona oa motheo, o neng o suptjoa ke o ngotsoeng matlapeng joaloka ha ho ngoliloe ke Moshe libukeng tsa molao. Ba ileng ba fihleloa ke kotluisiso ea taba ena e bohlokoa, ba ile ba elelloa hore molao oa Molimo oa halalela ebile ha o fetohle. Ba ela hloko matla a mantsoe a Krete, “leholimo le lefats’e li e-so ho fete, jona leha e le ‘ngoe, le hlaku leha e le ‘ngoe ea molao.” **Mattheu 5:18**. Khubung ea molao oa Molimo, ho na le molao oa bone; “Hopola letsatsi la phomolo ho le khetha. U tla sebetsa ka matsatsi a ts’eletseng, ‘me u etse mosebetsi oa hau kaofela. Empa letsatsi la bosupa ke phomolo ea Jehova Molimo oa hao; u se ke ua etsa mosebetsi le o mong ka letsatsi leo, leha e le

uena, leha e le mora oa hao, leha e le morali oa hao, leha e le mohlanka oa hao e motona, leha e le e mots’ehali, leha e le khomo tsa hao, leha e le moeti oa hao ea ka menyakong ea hao. Hobane matsatsi a ts’eletseng, Jehova o na etse maholimo, le lefats’e, le leoatle, le lintho tsohle tse ho tsona, ‘me a phomola ka tsatsi la bosupa; ka baka lena, Jehova o hlohonolofalitse letsatsi la phomolo, ‘me o le beile le khethehileng.” **Exoda 20:8-11. [The Great Controversy leqephe 434]**

Moea oa Molimo oa susumetsa lipelo tsa baithuti bao ba lentsoe la hae. Ba kholiseha hore, ka ho se tsebe, esale ba ntse ba ele hloko letsatsi lena la ‘Mopi la phomolo. Ba leka ho shebisisa mabaka a ho boloka letsatsi la bosupa ho fapana le letsatsi leo Molimo o le halalelitseng. Ba ne ba sa fumane lebaka le hlahang mangolong le bonts’ang hore molao oa bone o felisitsoe, kapa Sabata e fetotsoe; thlohonolofatso eane e halalelitseng letsatsi la bosupa ha e so ka e tlosoa. Ho ile hoa ba le liteko tse matla tse lehang ho bolaea tumelo ea baithuti bana. Ho ne ho se motho ea neng a sa elelloe hore haeba tabanakele ea Moshe e ne e le sets’oants’o sa e leholimong, molao o neng o behoa ka hare ho areka ea tabanakele ea Moshe, o ne o supa molao o ka hare ho areka e leholimong; ‘me ho lumela ho ‘nete ea tabanakele e leholimong ho kenyelletsa le ho lumela ho molao oa Molimo le Sabata e hlahang molaong oa bone.

Bohle ba ileng ba amohela leseli mabapi le bo-buelelli ba Krete le ho se fetohle ha molao oa Molimo, ba fumana hore ‘nete tsena li rutoa ke **Ts’enolo 14**. Khaolo ena ea Ts’enolo e ts’etse melaetsa e meraro ea tlhokomeliso, e lokisetsang ba ahileng lefats’eng ho khutla hoa Jesu Krete. Ka lengeloi la pele, batho ba biletsoa ho “ts’aba Molimo le ho isa khanya ho Oona”, le ho khumamela ea entseng maholimo le lefats’e.

E le ho etsa hona, ba lokela ho boloka molao oa Molimo. “Ts’aba Molimo, o boloke litaelo tsa Oona: hobane, ke eona ts’oanelo eohle ea motho.” **Moekellesia 12:13**. Ho Ts’enolo 14, batho ba biletsoa ho khumamela ‘Mopi; ‘me boporofeta bo bonts’a sehlopha seo, ka lebaka la molaetsa ona oa mangeloi a mararo, se bolokang litaelo tsa Molimo. O mong oa melao ena, o supa ka ho totobala ho Molimo e le Eena ‘Mopi. Molao oa bone o re, “Letsatsi la bosupa ke phomolo ea Jehova, Molimo oa hao.” **Exoda 20:10**. Mabapi le Sabata, Morena o tsoela pele o re, “ke lets’oao...le tle le tsebe hore ke ‘ne Jehova Molimo oa lona.” **Exoda 20:20**. Lebaka lea fanoa: “Hobane ka matsatsi a ts’eletseng Jehova o e ntse maholimo le lefats’e, eaba ka letsatsi la bosupa a phomola, a khatholoha.” **Exoda 31:17**. “Bohlokoa ba Sabata, e le khopotso ea tlhohleho ke hore e lutse e re bonts’a lebaka la ‘nete la hore na ke hobaneng e le Molimo feela ea lokeloang ke khumamelo. Sabata ke motheo oa khumamelo ea Molimo. Motheo oa ‘nete oa khumamelo, eseng feela ea ka letsatsi la bosupa, empa oa khumamelo ka kakaretso, o fumanoa tlhalohanyong ea ‘Mopi le libupuo.” – **J.N. Andrews, History of the Sabbath, chapter 27. [The Great Controversy page 437, 438]**.

Ho fapana le ba bolokang melao ea Molimo le ba nang le tumelo ho Jesu, lengeloi la boraro le supa ho sehlopha se seng, se fumanang lithokomeliso tse ts’osang, ka lebaka la liphoso tsa sona: “Ekare ha motho a rapela sebata le sets’oants’o sa sona, a nka lets’oao la sona phatleng ea hae, kapa letsohong la hae, le eena o tla noa veine ea bohale ba Molimo e ts’etsoeng, e sa tsoakoa, senolong sa khalefo ea oona.” **Ts’enolo 14:9, 10**. Khaolong ea 13 ea Ts’enolo, ho hlaha sebata se seng, se kang lengau, seo drakone e se neileng matla, setulo le borena

ba eona. Sets’oants’o sena, joaloka ha Baporosetanta ba ‘maloa ba lumetse, se emetse bo-papa, bo ileng ba hloella matleng le setulong le boreng boo e neng e le ba ‘muso oa Roma oa khale. **[The Great Controversy leqephe 438]**

Semelo se qollang sebata, le sets’oants’o sa sona, ke ho roba melao ea Molimo. Bo-papa bo lekile ho fetola molao oa Molimo. Molao oa bobeli, o khahlanong le bokhumameli ba lits’oants’o, o nts’itsoe melaong e leshome, ‘me molao oa bone le ona o fetotsoe hoo o seng o lumella hore ho bolokoe letsatsi la pele eseng la bosupa e le Sabata. Ha ba khumamelang Molimo ba tla bonahala ka ho boloka molao oa bone, - ka ha e le lets’oao la matla a Molimo a ho hlola, ba khumamelang sebata bona ba tla bonahala ka ho ranthanya sehopotso sa tlhohleho (Sabata) e le ho phahamisa se tlileng ka Roma (Sontaha). Baporosetanta kaofela ba lumela hore Mangolo ha hona moo a fanang ka matla a ho fetola Sabata. Kereke e kh’atholike ea lumela hore ke eona e fetotseng Sabata, ‘me e phatlalatsa hore, ka ho boloka Sontaha, Baporosetanta ba ananela matla a eona. **[The Great Controversy leqephe 447]**

Ho kenya molaong hoa poloko ea Sontaha ka hare ho bo-porosetanta, ke ho kenya molaong ha bo-khumameli ba bo-papa – e leng sebata. Empa Ba-Kreste ba mengoaha e fetileng ba ne ba boloka Sontaha, ba lekanya hore ka ho etsa joalo ba boloka Sabata e hlahang ka Bibeleng; le hona joale ho ntse ho na le Ba-Kreste ba ‘nete likerekeng tsohle, ho kenyelletsa kereke ea Roma e kh’atholike, ba lumelang ka tieo hore Sontaha ke eona Sabata ea Molimo. Molimo o amohela boikitlaetso ba bona le bots’epeli ba bona ka pele ho eena. Empa ha molao oa ho boloka Sontaha o kenyoa ts’ebetsong, ‘me lefats’e le ruteha ka Sabata ea ‘nete, joale mang kapa mang ea tla loba molao oa

MATHEU 24 LE 25

“Jo! hoja ebe le uena u tsebile, le ka tsatsi lena la hao, tse ka beng li u hlahisetsa khotso! Empa joale li patetsoe mahlo a hao. Hobane matsatsi a tla u oela holimo, ao bao e leng lira ho uena ba tla cheka lengope, ba u teele hare ka lona, ba u thibelle ka n̄ga tsohle; ba tla u lihela fatše, uena le bana ba hao ba ho uena, 'me ba ke ke ba lesa ha hao lejoe holim'a lejoe le leng; hobane ha ua ka ua tseba nako eo u etetsoeng ka eona.” –

Luka 19:42-44

Jesu ha a le tlhorong ea thaba ea Mehloare a lahlele mahla a hae Jerusalema. Chalimo ea eona e ne e le ntle 'me e khatholla pelo ea hae. E ne e le sehla sa mokete oa Paseka 'me bana ba Jakobo ba bokane ka bongata bo boholo ho tla keteka mokete oo oa sechaba. Lirapeng tsa lipalesa le merara, le matsoapong a tlokomang ka botala moo ho hlomiloeng litente tsa bafiti, har'a maholiopo a maralla, tlung tsa borena, le liqhobosheaneng tsa motse-moholo oa Israele. Morali oa Sione boikhohomosong ba hae o ne a bonahala a re “Ke hlola joaloka mofumahali, 'me nke ke ka bona mahlomola;” Joalokaha Israel e ne e rateha, ebile e ipona e fumane ts'ireletseho mohaung oa Leholimo, joaloka lilemo tse fetileng, likheleke tsa boreneng ba Israele tsa tlerola; “Thaba ea Sione e phahame ka botle, ke thabo ea lefatše lohle; moo e hlanamelang leboea ke motse oa Morena e moholo.”-

Pesalema 48:2.

Botle ba tempele ba ne bo banahala ka ho fella. Mahlaseli a letsatsi ha le chaba a ne a shekhemetsa mahakoe ka bosoeu ba lehloa maboteng a tempele 'moho le menyako ea khauta. E ne e le botle bo hlolang le tlotla ho sechaba sa Juda. Ke ngoana ofe oa Isaraele a neng a ke ke a hlolloa ke botle bo joalo!

Empa mehopolong ea Jesu e ne e le menahano e meng e hole le seo. “Ha a atametse Jerusalema, a bona motse, a o llela”- **Luka 19:41**. Kahare ho thabo le menyaka ea ho kena ha hae ha tlhlo, ha makhasi a lipalema a fakoa sebakeng, ha hare ho likhohlo ho utloahala litlatse tsa lihasanna, 'me mantsoe oohle a hooa a re ke Morena, Mopholosi oa lefats'e o ne a hlolletsoe ke masoabi a makatsang a neng a aparetse pelo ea hae. Eena Mar'a Molimo ea neng a ts'episitsoe Israele, eo matla a hae a neng a hlotse lefu, 'me a bitsitse ba neng ba le litlamong tsa lefu a ba nyolla lebitleng, o ne a tletse meokho, eseng ea bohloko fela bo tloaelehileng, empa bo neng bo sithabelitse pelo ea hae haholo.

Kereste mona o ne a sa hlomohela eena leha a ne a tseba bohloko bo mo tlelang Golgotha. Khoro ea linku tse neng li kena ka lilemo-lemo ho tla etsa sehlabelo sa sebe le eona e ne e bonahala. Ke eona khoro eo a neng a tla kena ka eona ha tlo hlaha e le konyana ea sehlabelo. Kalefari, sebaka sa thariso ea hae se ne se se hole le eena. Tseleng eo Kereste a neng a tlo e tsamaea haufi, ho ne ho lokela ho be le lefifi le sithabetsang pelo joalokaha a ne a lokela ho inyehela e le sehlabelo. Hara thabo e ne e le teng ho bana ba Israele ka nako eo, e ne e se mants'oenyeho a mo tlelang a neng a mo sithabetsa pelo. O ne a llisoa ke bomalimabe le tlokotsi tse neng li tlo oela Jerusalema – selo sa hae se ne se bakoa ke bofofu , ho hloka temoho 'moho le ho hloka masoabi ha sechaba seo a neng a tletse ho se hlohonolofatsa le ho se boloka. **[The Great Controversy; leqephe 17-18]**

Ka lilemo-lemo, baprofeta ba ne ba ile ba lilella koeneho ea Israele le tlokotsi e kholo e neng e tla ba oela ka lebaka la libe tsa bona. Jeremia o ne a lakatsa hore mahlo a hae e be liliba tsa meokho, e le hore a tle a meketse bosiu le mots'eare, a llela timetso ea barali ba sechaba sa habo, le ho hapuo a ha mohlape oa Morena ke balichaba. (**Jeremia 9:1, 13, 17**). Joale seboko sa 'Moloki Jesu e ne e le se se kakaang, eena ea boneng Israel ka leihlo la boprofeta ho tloha ts'imolohong ea eona... Ha sheba le ho theoha le lilemo, o bona sechaba sa selekane se hasane lefats'eng lohle, joaloka maloang-loahla a sekepe se robetseng lebopong la leoatle. Ke mona moo a ileng a lemoha tlokomo ea khalefo ea Molimo e neng e tlo oela bana ba hae. Khauho ea Molimo, lerato le khaphatsehang, tsa utloahala mantsoeng a neng a tsoa pelong e sibathetseng "Jerusalema, Jerusalema, ea bolaeang baporofeta, ea tlepetsang ka majoe ba rongoang ho uena, ke ratile hangata hakakang ho bokella bana ba hao, joalo ka khoho ha e bokella litswanyana tsa eona tlas'a mapheo a eona, empa le hanne."- **Mattheu 23:37**.

Joo! Hoja sechaba sena se neng se khethuoa har'a lichaba tsohle 'me e le thaka ea leihlo ho Molimo se ne se ka tseba nako ea ketelo ea sona, le lintho tseo e leng khotso ea sona! Ke fehlile lengoloi la toka, ke le belelitse ts'okolohong, empa seo ha se ea thusa letho. Hase fela bao ke neng ke ba romile, 'moho le baprofeta bao ke neng ke ba khethile, empa le Ea Halalelang oa Israele; Molopolli oa lona, le mo koenehetse. Ha le ka timetsoe, seo ke litlamorao tsa ho hloka boikarabello ba lona. "Empa ha le rate ho tla ho 'na le tle le be le bophelo."- **Johanne 5:40...[The Great Controversy; leqephe 22]...**

Joaloka Israele ea bohlo-holo, ba khopo ba imetsa; ba timetsoa ke bokhopo ba bona. Ka ho phela bophelo ba sebe, ba ipeha moo ba ke keng ba hokahana le Molimo. Nama ea bona e bolisitsoe ke sebe. Khanya ea Morena ho bona e joaloka mollo o timetsang. Batho ha ba lemohe, esere mohlaopa ba iphanyetsa lithokomeliso tse teng mantsoeng a Krete. Joaloka a ile a hlokomelisa barutuo a hae ka ts'enyong ea Jerusalema, a ba fa mats'oao a ts'enyong e tlang, e le hore ba tle ba phonyohe, joalofela o file lefats'e tlhokomeliso ea ts'enyong e tla etsahala mehleng ea ho qetela, 'me o fane ka mats'oao oohle a ho atamela ha ho fela ha lefats'e, hore bohle batla lemoha, batle ba balehe ts'enyong e tlang... "Letsatsi la Morena le tla joaloka lesholu bosiu."- **1 Bathesalonika 5:2-5...**

Lefats'e ha lea ikemisetsa ho ela hloko molaetsa oa hajoale, joalofela ka Israele e neng e sa ikemisetsa ho amohela lithokomeliso tsa 'Moloki ka ts'enyong ea Jerusalema. Letsatsi la Morena le tla hlaha lesumatha 'me ba ikhethelang ho phela ka thato ea bona batla ikoahlaea. Ha bophelo bo itsoella pele fela joaloka ha eka ha ho letho le etsahalang; ha batho ba iketlile ke manyaka ea lefats'e, ba kene likhoebong, ba le maphathe-phathe, ba phathahantsoe ke khoebo le chelate, ha baetapele ba bolumeli ba ile le khongoana holimo 'me ba tlotlisa tsoelo-pele ea lefats'e le bohlale ba lona, 'me batho ba koeetsoa ke sa mokana ts'ireletso, joalo fela kaha lesholu le etla har'a khitla bosiu tulong e sa lebelloang, joalo fela ts'enyehong le timelo e tla oela ba bohlasoa le ba phelang ho ea ka ho rata ha lipelo tsa bona 'me ba ke ke ba phonyoho. **[The Great Controversy; leqephe 37-38]**.

Sets'oants'o sa baroetsana ba leshome se hlahang Mattheu 25, se boetse se hlolosa seo baleti ba tlang ho feta ho sona. Ho Matheu 24, ha araba barutuo a ba hae potso ea mats'oao a hotla ha hae, le a ho fela ha lefats'e, Jesu o supile tse ling tsa lintho tsa bohlokoa nalaneng ea lefats'e le ea kereke ho tloha ka tsa hotla ha hae lekhetlo la pele le hotla ha hae lekhetlo la bobeli. Har'a tsona ke thipitlo ea Jerusalema, mats'oenyeha a maholo a kereke tlas'a puso ea Roma ea bohetene le lihloriso tsa Bopapa, ho fifala ha khoeli le letsatsi, le ho oa ha linaleli. Kamor'a tsena, Jesu a bua ka tsa ho tla ha 'muso oa hae, o entse sena ka ho lokololisa sets'oants'o se hlalosing lihlopha tse peli tsa bahlanka ba lebeleletseng ho hlaha ha hae. Khaolo ea 25 e bula ka mantsoe ana: "Mohlang oo, 'muso oa leholimo o tla tšoana le baroetsana ba leshome ba nkileng lilampi tsa bona, ba tsoile ho khahlanyetsa monyali." Mona ho behoa pooaneng kereke ea mehla ea bofelo, eona ea hlohang qetolong ea Matheu 24. **[The Great Controversy; leqephe 293]...(Bala litlha tse eketsehileng khaolong ea 22 ea buka e ts'oanang).**

KHUMAMELA 'MOPI

Ba amohetseng khanya ea bobuelli ba Krete le molao oa Molimo o sa feleng, ba hlokomela hore linnete tsena ke karolo ea **Ts'enolo 14**. Khaolo ena e fupere tlhokomeliso e mekhahlelo e meraro, e leng ho hlokomelisa baohi ba lefats'e ho itukisetsa hotla ha bobeli ha Morena Jesu. Mantsoe ana "Nako ea kahlolo ea hae e se e fihlile," a supa ho koaloa ha bosebeletsi ba Krete bakeng sa pholoho ea meea ea batho. E tlerola 'nete e lokelang ho hasoa hofihlela bobuelli ba Krete ba emisa 'me a etla lefats'eng hotla nkela batho ba hae ho eena. Mosebetsi oa kahlolo o qalileng ka selemo sa 1844 o lokela ho tsoela pele hofihlela bohle ba fitile kapel'a setulo sa kahlolo, kahoo o tla tsoela pele hofihlela mohau o koaloa. Hore batho ba itukisetse ho ema kahlolong, molaetsa o ba bolella "Ho ts'aba Molimo 'me ba ise khanya ho oona," "hape le khumamele eena ea entseng Leholimo le lefats'e, le leoatle le liliba tsa metsi." Litholoana tsa kamohelo ea molaetsa oona li fanoe mantsoeng ana, "Mona ke ba bolokang litaelo tsa Molimo 'me ba nang le tumelo ea Jesu." E le ho itukisetsa kahlolo, batho ba lokela ho boloka molao oa Molimo. Molao oo ke sekala sa semelo sa kahlolo. Moapostola Paulosi o re "bohle ba sitiloeng ba se na molao, ba tla timela ho se molao; 'me bohle ba sitiloeng ba e-na le molao, ba tla ahloloa ke molao...tsatsing leo Molimo o tla ahlola li-satsejoeng tsa batho ka Jesu Krete."- **Baroma 2:12, 16**. Tumelo e bohlokoa ho bolokeng molao; hobane "Molimo ha khahlisoe ntle le tumelo."- **Baheberu 11:6**. Hape "Sohle se sa etsoeng ka tumelo ke sebe"- **Baroma 14:23**.

Lengoloi la pele le hlalosa ha batho ba lokela ho ts'aba Molimo 'me ba ise khanya ho Oona,

le ho khumamela ea hlotseng Moholimo le lefats'e. E le ho etsa sena, ba lokela ho hlompha molao oa hae. Solomone ea bohlae o re "Ts'aba Molimo o boloke litaelo tsa hae hobene ke eona ts'oanelo eohle ea motho."

Moekesisa 12:13. Bokhumameli bo sa tsamaeeng 'moho le ho hlompha molao oa Molimo, ha bo mo khahlisi. "Hona ke lerato la Molimo, ho boloka melao ea hae."- **1**

Johanne 5:3. "Ea fapanyang tsebe molao, esita le thapelo ea ha eke manyalo."-

Liproverbia 28:9. Ho khumamela Molimo ho ipapisitse le taba ea hore ke 'Mopi, le hore lintho tsohle tse teng popong li teng ka eena. Hape hohle ka Bibeleng, moo Moimo a batlang khumamelo, holim'a melimo ea bahetene, ho fanoa ka matla a hae a ho hlola. "melimo eohle ea lichaba ke litšoantšo feela, empa Jehova o entse maholimo."-

Pesalema 96:5. "Ha ho le joalo, le tla ntekanya le mang, hore ke tšoane le eena, ho botsa Mohalaleli? Lelalang holimo, le talime! O tsamaisa makhotla a tsona ka lenaneo, o li thonya kaofela ka mabitso a tsona ka matla a hae a maholo, matla a hae a sa sitoeng ke letho; ha ho le e 'ngoe ho tsona e hlokahalang... Ke 'na Molimo 'me ha ho e mong"- **Esaia 40:25-26, 45:18**. Mopesaleme o re, "Le tsebe hobane Jehova ke Molimo! Ke eena ea re entseng, 'me re ba hae, re sechaba sa hae, re mohlape o alosang ke eena."- **Pesaleme 100:3**. "Tloong, re khumameng, re inameng, re oe ka mangole pel'a Jehova, 'Mopi oa rōna!" - **Pesaleme 95:6**. Libupua tse halalelang tsa leholimo li na le mabaka a ho mo fa tlotlo eohle, "Morena, u loketsoe ke ho neoa khanya, le hlompho, le matla; hobane u hlolile lintho kaofela, 'me ke ka ho rata ha hao li leng teng, li bileng li bōpiloe."- **Ts'enolo 4:11**.

Khaolong ea 14 ea Tsenolo, batho ba biletsoa ho khumamela 'Mopi, 'me Boprofeta

bo hloaea sehlopha seo, ka lebaka la molaetsa o imenahantseng hararo, ba bolokang melao ea Molimo. O mong oa melao ena e supa ka kotloloho ha Molimo e le 'Mopi. Molao oa bone ho e leshome o bolela joana, "Empa letsatsi la bosupa ke phomolo ea Jehova, Molimo oa hao; u se ke ua etsa mosebetsi le o mong ka letsatsi leo, leha e le uena, leha e le mora oa hao, leha e le morali oa hao, leha e le mohlanka oa hao e motona, leha e le e motšehali, leha e le khomo tsa hao, leha e le moeti oa hao ea ka menyakong ea hao. Hobane ka matsatsi a tšelelseng, Jehova o na a etse maholimo, le lefatše, le leoatle, le lintho tsohle tse ho tsona, 'me a phomola ka tsatsi la bosupa; ka baka lena, Jehova o hlhonorofalitse letsatsi la phomolo, 'me o le beile le khethehileng." - **Exoda 20:10-11**. Molimo ha bua ho tsoela pele ka Sabata o re "Ke lets'oao hore le tle le tsebe hore ke Molimo oa lona." - **Ezekiele 20:20**. Lebaka le fanoang ke lena, "hobane ka matsatsi a tšelelseng, Jehova o entse maholimo le lefatše, 'me ka la bosupa o phomotse, a khatholoha." - **Exoda 31:17**.

Molimo o ile a fana ka Sabata Edene e le ho boloka 'nete ena bathong. Ha fela Molimo e ntse e le eena 'Mopi oa rona, re lokela ho mo khumamela 'me Sabata e tla ba lets'oao la khopolo pakeng tsa rona le eena. Haeba Sabata e ne e bolokoa ke batho bohle ka tsela e nepahetseng, mehopollo ea batho le litabatabelo tsa bona li ne li tla ba ho Molimo, 'me Molimo o ne a tla tlothisoa le ho khumamelo, ho ne ho keke ha ba le bakhumameli ba lits'oants'o, ho se lumele boteng ba Molimo 'moho le hloka borapeli. Ho boloka Sabata ke lets'oao la bots'epeli ho Molimo oa 'nete. "Ea entseng Leholimo le Lefats'e, leoatle le liliba tsa metsi." Ho hlakile hore molaetsa o laelang batho ho khumamela Molimo le ho boloka litaelo tsa

Oona o tobile ka ho otloloha ba bolokang molao oa bone ho e leshome.

Papisong le ba bolokang melao ea Molimo ba bile ba ena le tumelo ea Jesu, lengoloi la boraro le supa sehlopha se seng, seo ho fanoang ka tlokomeliso e nyarosang khahlanong le phoso ea sona: "Ekare ha motho a rapela sebata le setšoantšo sa sona, a nka le letšoao la sona phatlang ea hae, kapa letsohong la hae, le eena o tla noa veine ea bohale ba Molimo e tšetsoeng, e sa tsoakoa, senolong sa khalefo ea oona, 'me o tla hlokoatsoa mollong le sebaboleng pontšeng ea mangeloai a halalelang le ea Konyana." - **Ts'enolo 14:9-10**. [The Great controversy; leqephe 436-438]

LITHETSO TSA MEHLA EA BOFELO

Ho tloha ts'imolohong ea ntoea e kholo leholimong, esale e le morero oa Diabolosi ho nts'etsa ntle molao oa Molimo. E le ho fihlela sena, o ile a iketsa sera se seholo sa Molimo. Leha a ile a lelekoa Leholimong, o ile a nts'etsa pele ntoea e ts'oanang koano lefats'eng. O thetsitse batho 'me a ba khanela ho hatikela molao oa Molimo, sena ke seo a se etsang ka tjantjello e kholo. Ho sa natse hore na o lahlela ntle molao oohle kapa karoloana fela ea oona, litla morao lia ts'oana. "Hobane leha e mong a ka boloka melao eohle, a mpa a tlōla o le mong feela, eba o se a ikentse ea molato ho eona eohle."-**Jakobo 2:10**. E le ho nyenyefatsa melao ea Molimo e hahalelang, Satane o fetotse thuto ea Bibe, 'me theso ke karolo ea molaetsa oa ba bangata ba reng ba lumela mangolo a halalelang. Ntoa e kholo ea ho qetela lipakeng tsa 'nete le leshano ke toants'ano e kholo ea mengoaha khahlanong le melao ea Molimo. Ke ntoea eo re leng kahare ho eona hajoale – ntoea e pakeng tsa litaelo tsa motho le molao oa Molimo, ntoea pakeng tsa tumela ea Bibe le tumelo 'motoane ea litloaelo tsa batho. **[The Great Controversy, leqephe 582]...**

Bokhopo le lefifi la semoea mehleng ea puso ea Roma e ne e le litla-morao tsa ho hotikela magolo a halalelang; empa ke hokae moo ho ka fumanoang se bakileng ho ata ha ho nyenyefatsa Molimo, ho iphanyetsa molao oa Molimo, le ho bola ho ileng ha latela, tlasa khanya e felletseng ea Evangeli le bolokolohi ba borapeli? Mehleng ena Satane ha laole lefats'e ka ho pata mangolo a halalelang, o sebelisa mekhoha e meng ho fihlela sepheo se ts'oanang. Ho timetsa tumelo Bibeleng ho nts'etsa morero oa Satane oa ho timetsa Bibe ka boeona. Ka ho tlisa taba ea hore molao oa Molimo ha o tlame, Satane o atlehile ho susumetsa batho ho hatikela

molao oa Molimo joaloakaha eka molao hase ntho e teng. Mehleng ena, joaloka mehleng ea khale, o sebelisitse kereke ho nts'etsa merero ea hae pele. Mekhatlo ea selumeli e iphanyelitse linnete tse hlakileng tse teng Mangolong a Halalelang, ka ho etsa seo, ba loants'a 'nete ea Molimo 'me ba ipeha boemong boo ba amohelang manollo ea Bibe e etsang batho ba bang le khoao lentsoeng la Molimo. Ba its'oarelelitse ka thetso ea Bopapa ea moea o sa shoeng le bophelo ba motho kamor'a lefu, ba hanne Bibe e leng sona fela sebetsa se ka ba sireletsang borapeling ba Semoea. Thuto ea ho utloisoa bohloko ka ho sa feleng lihelong e khannetse ba bangata hore ba se lumele Bibe... lithuto tsa baetapele ba selumeli li boletse ho se lumele, ts'ebeliso ea semoea, le ho nyenyefatsa molao o halalelang oa Molimo; 'me ke baetapeleng bana ho its'etlehleng boikarabello ba bokhopo bo etsahalang kahar'a lefats'e la bokreste...

Ke ka lithetso tse kholo tse peli, ho se shoe ha moea le khalaletso ea Sontaha Satane a tlang ho atleha ho thetso ba bangata. Ha ho se shoe ha moea e le motheo oa borapeli ba semoea, khalaletso ea Sontaha e hokahanya batho le Roma 'me e ba nolofatsa lipelo hore qetollong ba qenehele Roma. Baprostanta ba Amerika ke bona ba tla ba kapele-pele ho otlolla letsoho ba amohela borapeli ba semoea; batla tetebela ka sekoting 'me ba ts'oarane ka matsoho le matla a Roma; ke ka tlas'a ts'usumetso ea kopano ena e imenahantseng hararo Amerika e tlang ho hata menyabuketsong ea Roma ho hatikela bolokolohi ba matsoalo a batho. Fela joaloakaha borapeli ba semoea ba batla bo ts'oana le Bokreste 'motoana ba mehleng ena, bona le matla a ho thetso le ho ts'oasa. Satane ka boeona o iphetolela tsamaisong ea litho tsa morao-rao. O itlaha joaloka lengoloi la khanya. Ka ts'ebeliso ea semoea,

mehlolo e tla etsahala, ba kulang ba tla fola, 'me mehlolo e hlakileng e tla etsahala. Hape joalokaha meea e joalo e tla ipolela e lumela Bibeleng, ebile e bont'sa ho hlompha boteng ba kereke, mesebetsi ea bona e tla amohelaha e le ho iponahatsa ha matla a bomolimo.

Re phela mehleng eo ho seng ho le thata ho hlalohanya ba ipitsang ka Krete le bao e seng ba hae. Litho tsa kereke li rata seo lefats'e le se ratang 'me li ikemiselitse ba kopoanela le lefats'e bosaoaneng ba lona; 'me Satane o ikemiselitse hoba etsa ntho e le ngoe, ke moo joale a tlang ho tiisa mosebetsi oa hae, a khanele bohle borapeling ba semoea. Bopapa bo ithorisang ka mehlolo 'me bo supa hore mehlolo eo ke mats'oao a kereke ea 'nete, ba tla thetseha habobe ke meka le mehlolo ena e sebetsang; 'me Baprostanta ba seng ba lahletse ntle thebe ea 'nete le bone ba tla oeloa ke thetso ena. Bopapa, Boprostanta 'moho lefats'e ka ho ts'oana batla ba le sebopelo sa borapeli bo latotseng matla a bona...**[The Great Controversy, leqephe 586-588].**

Kamor'a sebe sa pele Edene, Satane o ile a fa mangoloi a hae taelo hore a sebetse ka matla oohle ho khohisa batho ka bosafelang ba moea; ka ho etsa joalo, o thetsitse batho hore baetsalibe bona ba tla hlokoatsoa ka ho sa feleng. Hona joale, khosana ea lefifi, e sebetsang ka mahlahana a hae, ba hlahisa Molimo ha e ele moiphetetsi ea soto, 'me ba phatlalatsa hore Molimo o akhela lihleleng bohle ba sa mo khahliseng moo ba utlaoang khalefo ea hae ka ho sa feleng 'me ha ba ntse ba cha kahar'a mollo o sa timmeng 'Mopi o ba sheba a le Leholimong ka khotsofalo eohle. Bokhopo ke ba Diabolosi. Molimo o lerato; 'me sohle seo a hlotse sohle se phethahetse, se rateha hofihlela sebe se kena ka mofapanyi e moholo. Satane ka boeena ke sera se kenyang batho tekong ea

sebe ebe qetollong o timmetsa motho kamoo a ka khonang; 'me ha a se a hapile lehlatsepa la hae o nyakalatsoa ke ts'enyoo eo a e entseng. Ha a ne a ka lumelloa, o ne a ka fieela moloko oohle oa batho kahar'a letlooa lena. Ha e ne e se ka ho jela phate ha matla a Molimo ho ne ho se mar'a Adama a neng a ka phonyoha. **[The Great Controversy; leqephe 534].**

Diabolosi o ikemesilitse ho atleha ho thetsa batho le ho ba timetsa mehleng ena, joalokaha a ile a atleha ho batsoali ba rona ba pele, sena o ile a sisinya ts'epo ea bona ho 'Mopi oa bona le hore ba hloke ts'epo bohleleng ba 'Musoo oa hae le ho lokeng ha Molao oa hae. Satane le mahlahana a hae ba hlahisa Molimo a le mobe le ho ba feta, e le ho matlafats'a ts'enyoo ea hae le ho hloka kutlo ha hae. Mothetsi e moholo o sebetsa ka matla oohle ho tlosa bosooto le bokhopo ha hae a bo ise ho Ntat'a rona ea Maholimong. O etsa sena e le hore ho lelekoa ha hae Leholimong ho hlahle eka ke kahlolo ea senang toka. O bonts'a baahi ba lefats'e tokoloho eo baka e fumanang ha ba ka mo mamela hanyane fela, khahlonong le melao e thata eo Molimo a ba fang eona. Ka hoo o atleha ho khelosa meea e mengata ho Molimo. **[The Great Cotroversy, leqephe 534].**

AMERIKA LE BABILONA

Amerika

“Empa sebata se neng se na le linaka tse peli tse kang tsa konyana se ile sa bonoa “se hlaha lefats’eng”. Ho feta hore se hatikele mebuso e meng e le hore se tle se eme, ho bonahala re ts’oants’etsoa sechaba sena ele se ileng sa simoloha nahathote, ‘me hanyane ka hanyane sa hola ka khotso ho fihlela se tiea. Se ke ke sa hlaha kahara machaba-chaba le mehlobo e khobakaneng ‘moho joalo ka ea lefats’e la khale – leqhubu la leoatile eleng “merabe, le matšoele, le lichaba, le lipuo”. Re lokela ho se qamaka ka bophirima. {GC88 440.1}

A sechaba sa lefats’e le lecha se ileng sa nyoloha ka matla lilemong tsa bo 1798, se fana ka ts’episo ea matla le boholo, ‘me se hapa chalimo ea lefats’e! Phethahalo ea lets’oao lena e sala e totobetse. Sechaba se seng fela se phethahatsang boporofeta bona; kantle ho qeaa-qeoo ke United States of America (machaba a kopaneng a Amerika). Hape le hape maikutlo a ts’oanang hantle le a sengoli se halalelang a ile a nna a sebelisoa ke sebui le ranalane ha ho buoa ka ho nyoloha le kholo ea sechaba sena. Sebata se ile sa bonoa se “nyoloha lefats’eng;” ‘me ho latela batoloki lentsoe le sebelisitsoeng ele “ho nyoloha” le hlalosa ka ho otloloha “ho hola kapa ho mela joalo ka semela”. ‘Me joalo kaha re se re bone, sechaba sena se lokela ho hlaha sebakeng seo ho seng batho ba phelang ho sona. Sengoli se hlahelletseng ka mahetla ha se hlalosa United States se...re: “joalo ka peo e khutsitseng, re hlahile ra hola ho fihlela re ba ‘muso” – **G.A Townsend, The New World Compared With the Old, leqephe 462. {GC88 440.2}**

“Se nang le linaka tse peli tse kang tsa konyana.” Linaka tsena tse kang tsa konyana li ts’oants’a bocha, ho hloka koli le mosa, ‘me sena se phethahatsa hantle semelo sa United

States se ileng sa ts’oants’o ke moporofeta ha ane a re “se nyoloha” ka 1798. Hara Bakreste ba ileng ba ea palehong ba fihlela Amerika ba batla sebaka sa bots’abelo ele hobane ba baleha botubo ba marena le bapriesta, bongata bo ile ba theha ‘muso holima motheo o tiileng oa bolokolohi ba puso le borapeli. Maikutlo a bona a ile a fumana sebaka kahara Phatlalatso ea Boipuso, e tiisang ‘nete ea mantlha ereng “batho bohle ba bopuo ba lekana”, ‘me ba fuoe tokelo ea “bophelo, tokoloho le monyetla oa khotso.” ‘Me molaotheo o ile oa tiisetso batho hore ‘muso o tla itjara, ‘me baemeli ba hapileng likhetho ba tla tsamaisa ba be ba kenye melao eo ts’ebetsong. Bolokolohi ba borapeli bo ile ba fanoa, motho e mong le e mong a fuoa monyetla oa ho rapela Molimo ho ea ka letsoalo la hae. Puso ea boemeli ba sechaba le Boprosetanta e ile eaba lits’iea tsa mantlha tsa sechaba. Lits’iea tsena ke tsona sephiri sa matla le katleho ea Amerika. Batlatlapuoana bana ba ileng ba sohlokeha nalaneng ea Bokreste ba ile ba hata lefats’eng lena ka cheseho le ka ts’epo. Limillione li ile tsa ts’abela mabopong ana, ‘me United States e boemong bo phahameng kahara lichaba tse matla tsa lefat’se. {GC88 441.1}

Empa sebata se nang le linaka tse kang tsa konyana “sa mpa sa bua joalo ka drakone. Sa etsa ka matla ’ohle a sebata sa pele pontšeng ea sona, ‘me sa etsa hore lefatše, le ba ahileng ho lona, ba rapele sebata sa pele, seo leqeba la sona le bolaeang le neng le folile...sa bolella ba ahileng lefatšeng hore ba etsetse sebata, se neng se hlabiloa ka lerumo, sa ba sa pholoha, setšoantšo.” **Ts’enolo 13:11-14. {GC88 441.2}**

Linaka tse kang tsa konyana le lentsoe la drakone ke lets’oao le bonts’ang phapang e kholo pakeng tsa boipolelo ba tumelo le litsamaiso tsa sechaba sena se bonts’oang. Ho “buoa” hoa sechaba ke ketso ea ho hlomamisa melao le ho liea likahlolo ka mafapha a melao. Ka ketso ena e tlo ba ho shanofatsa lits’iea tsa

bolokolohi le khotso eleng tsona motheo oa tsamaiso. Boprofeta ba hore se tla bua joalo ka “drakone” le hore se tla “etsa ka matla ’ohle a sebata sa pele pontšeng ea sona” bo bonts’a ka ho hlaka popeho ea moea oa bo-hana puso le ho hlohleletsa lintoa o ile oa bonts’oa ke lichaba tse ts’oants’oang ka drakone le sebata se kang legau. Polelo ena ereng sebata se nang le linaka tse peli se ile “sa etsa hore lefatše, le ba ahileng ho lona, ba rapele sebata sa pele” e bonts’a hore puso ea sechaba sena e tla sebetsa ka thata ho kenya melao e tla hapela batho lehaeng la Bopapa. **{GC88 442.1}**

Ketso ena etla be ele khahlanong le lits’iea tsa ‘muso ona (oa United States), ho tokoloho ea litsi, le ho polelo ea boitlami ea Phatlalo ea Boipuso, le ho molao theo oa naha. Bathehi ba naha ena ba ile ba hla ba leka matsapa ’ohle a hoba khahlanong le ts’ebeliso ea matla a polotiki holim’a kereke, a tlisang maemo a bo-hana puso le lintoa. **{GC88 442.2}**

BABILONA

Kamora Ts’enolo 14 lengeloi la pele le lateloa ke la bobeli le reng “O oele, o oele, Babilona, motse o moholo, hobane o noesitse lichaba tsohle veine ea bohale ba bootsoa ba oona.” Ts’enolo 14:8. Lentsoe “Babilona” le hlaha lentsoeng lena, “Babele,” le bonts’a pherekano. Le sebelisoa kahara Mangolo a Halalelang ho ts’oants’a litumelo tse fapakaneng tsa bokoenehi borapeling. Kahara **Ts’enolo 17** Babilona e bonts’oa ele mosali – lets’oao leo kahare ho Bibe le ts’oants’ang kereke, mosali ea khabane ele kereke e hloekileng, mosali oa seotsa ele kereke e khelohileng. **{GC88 380.3}**

Mosali (Babilona) oa **Ts’enolo 17** o hlalosa “a apere purepera le sekarelata, a khabile ka khauta, le mahakoe a bohlokoa, le liperela; letsohong la hae o na a tšoare pitsa ea khauta, e tletseng manyala le litšila tsa bootsoa ba hae. Ho no ho ngoliloe phatleng ea hae lebitso le

reng: Sephiri: Babilona e moholo, ’m’a liotsoa le a manyala a lefatše.” Moprofeta o re: “Me ka bona mosali eo a tahlloe ke mali a bahalaleli le ke mali a lipaki tsa Jesu, ’me ka makala ka makalo e kholo, ha ke ’mona.” Babilona o hlasoa ho ea pele ele “motse o moholo o busang marena a lefatše.” **Ts’enolo 17:4-6, 18.** Matla ao ka lilemo tse ngata esale a koetlile sefeto sa bokhopo kahara nalane ea Bokreste ke Roma. Purapera le ‘mala oa sekarelata le khauta le mahakoe a bohlokoa le liperela, li bonts’a sets’oants’o se totobetseng sa mahalihali le boikhohomoso Baroma bo fetang boikhants’o ba morena. Ha hona matla afe kapa afe ho ka thoeng “a tahlloe ke mali a bahalaleli” ha ese a kereke e ileng ea tlatlapa ka bokhopo balateli ba Krete (e leng kereke ea Roma). Babilona o qosoa ka sebe sa ho ikopanya le “marena a lefats’e.” Ke ka ho tloha ho Morena le ho etsa selekane le bahetene kereke ea Bajuda e ileng ea fetoha seotsoa; ’me Roma le eona ka ketso e ts’oanang e its’ilafalitse ka ho batla ts’ehetso matleng a lefats’e, ’me ka hona e oetsoe ke kotlo e ts’oanang. **{GC88 382.2}**

Babilona ho thoe ke “m’a liotsoa.” Ka barali ba hae ho bonts’oa likereke tse khomaretseng lithuto tsa hae le meetlo ea hae le ho latela mehlala ea hae ea ho nena ‘nete le tiiso ea Molimo ka ho rata ho theha selekane se seng molaong le lefats’e. Molaetsa oa **Ts’enolo 14**, o phatlalatsang ho oa hoa Babilona o lokela ho sebelisa tlhalosong ea likereke tse kileng tsa hloeka empa ea ba hamorao lia tsilafala. Kaha molaetsa ona o lateloa ke tlhokomeliso ea kahlolo, o lokela ho fanoa matsatsing a ho qetela; ka hona o ke ke oa toba kereke ea Roma fela, hobane kereke ena eona ha esale e le boemong bo oeleng lilemo tse ngata tse fitileng. Ha re tsoelapele, khaolong ea leshome le metso e robeli ea Ts’enolo sechaba sa Molimo se biletsoa ho tsoa Babilona. Ho latela temana ena, sechaba se sengata sa Molimo se

lokela hore ebe se ntse se le kahara Babilona. Kajeno hana ke likerekeng li feng tseo ho fumanehang balateli ba bangata ba Krete? Kantle ho qeea-qeeo, ke kahare ho likereke tse fapakaneng tse phatlalatsang tumelo ea Boprosetanta. Tlhahong ea tsona, likereke tsena li ile tsa ema lehlakoreng le nepahetseng bakeng sa Molimo le 'nete, 'me tlhohonolofatso tsa Hae li ile tsa ba le tsona..." **{GC88 382.3}**

Likereke tse ngata tsa Maprosetanta li latela mehlala ea bokhopo ea Roma ea ho ikopanya le "marena a lefats'e" – likereke tsa lehae kaho etsa likamano le mebuso le mefuta e meng ea likereke ele ho batla ts'ehetso ho tsoa lefats'eng. 'Me lentsoe lena "Babilona" – pherekano – le ka sebelisoa ka ho nepahala ho hlalosa likereke tsena (tse Maprosetanta) tseo bonts'ang li thehile lithuto tsa tsona ho tsoa Bibeleng empa li arohile likoto-koto kapa ka lihlots'oanang tse hanyetsanang ka lithuto le litsamaiso. **{GC88 383.1}**

Ho feta sebe sa khokahano ea lefats'e, likereke tsena li ntse li na le libopeho tse ts'oanang le tsa Roma. **{GC88 383.2}**

Lined writing area consisting of 20 horizontal lines.

LETS'OAO LA MOLIMO KAPA LETS'OAO LA SEBATA?

“...Bakreste ba meloko e fitileng ba ile ba boloka Sontaha ba hloma eka ho etsa joalo ke ho boloka Sabbatha ea Bibeletse; ‘me kajeno hona le Bakreste ba ‘nete kerekeng e ngoe le e ngoe re sa behelle Kereke e Katoliki ka thoko ba lumelang ka pelo tse hloekileng hore Sontaha ke Sabbatha e laetsoeng ke Molimo. Molimo o ananela bots’ephehi le sepheo sa bona. Empa ha poloko ea Sontaha e fitisoa ese ele molao, ‘me lefats’e le bonesoa ka ‘nete ea Sabbatha, e mong le e mong ea tla hatikela taelo ea Molimo, ‘me a boloka taelo etsoang Roma o tla ba hlompha mopapa kaholimo ho Molimo. O tla ba ananela puso ea Roma esita le matla a eona a ho hloma Sontaha. O khumamela sebata le sets’oants’o sa sebata. Ha eba batho ba latola seo Molimo ase behileng ele phatlalatsa ea lets’oao la puso ea hae, joale ba hlompha seo Roma ese hlommeng ele lets’oao la eona la borena ka tsela ena ba tla be ba amohela puso ea Roma – “lets’oao la sebata.” Ke ho fihlela taba ena e phatlalatsa ka ho hlaka ka pela batho, ‘me batho ba iketsetsa khetho pakeng tsa melao ea Molimo le melao ea batho, le ba tsoelang pele ba hatikela melao ea Molimo ba tlang ho amohela “lets’oao la sebata” {GC 449.1}

Lefats’e le tla oeloa ke ketsahalo e nyarosang. Matla a lefats’e, a kopane ‘moho ho loana kahlanong le melao ea Molimo, a tla phatlalatsa hore “bohle, ba banyenyane le ba baholo, ba ruileng le ba fumanehileng, ba sa ruoang le ba ruiloeng” Ts’enolo 13:16, ba tla lokela ho ipapisa le meetlo ea kereke ka ho boloka sabbatha e fosahetseng. Bohle ba tla hana ho ikamahanya le tsamaiso ba tla fuoa likahlolo, ‘me qetellong ho tla phatlalatsa hore ba loketsoe ke lefu. Ka nq’ena molao oa Molimo ona o tlammeng phomolo ea ‘Mopi o hloka ho bolokoa, ‘me o fana ka ts’oso e

bohale hoba hatikelang litaello tsa ona. {GC88 604.2}

Taba ena e hlalisoa ka ho hlaka hohle, ‘me e mong le e mong ea tla hatikela molao oa Molimo hore a tle a boloke melao e ikenyelitsoeng ke motho o amohela lets’oao la sebata; o ananela lets’oao la puso ea matla ao a ikhethelang hoa latela ho feta Molimo. Tlhokomeliso ho tsoa leholimong ere: “Ekare ha motho a rapela sebata le setšoantšo sa sona, a nka le letšoao la sona phatleng ea hae, kapa letsohong la hae, le eena o tla noa veine ea bohale ba Molimo e tšetsoeng, e sa tsoakoa, senolong sa khalefo ea oona, ‘me o tla hlokatsoa mollong le sebaoleng pontšeng ea mangeloi a halalelang le ea Konyana.” Ts’enolo 14:9, 10. {GC88 604.3}

Empa ha hona ea tla hlokatsoa ke bohale ba Molimo pele ‘nete e ka tlisoa maikutlong esita le kelellong ea hae, ‘me ae etse khetho. Ho na le ba bangata ba so fumane monyetla oa ho mamela linnete tse khethehileng tsa mengoaha ea joale. Taelo ea hore ba boloke molao oa bone ha eso fitisetsoe ho bona ka leseli le hlakileng. Eena ea balang lipelo ea lekang le merero eohle a ke ke a lesa hore motho ea chesehellang hoba le tsebo ea ‘nete ho thetsoe ha ho tluoa litabeng tse amanang le ntoea ea ho qetela. Taelo (ea lets’oao la sebata) e ke ke ea fitisoa ho batho ka tsela esa bonoeng. E mong le e mong o tlo fumana leseli le lekaneng hore a etse qeto e chatsi. {GC88 605.1}

Sabbatha e tlo ba teko e matla ea bots’ephehi, hobane ke eona ntlha ea ‘nete e hanoang. Ha teko ea mapomelo e fitisoa ho motho e mong le e mong, mola o arolang o tlo ba teng pakeng tsa ba sebeletsang Molimo le ba sa mo sebeletseng. Ha poloko ea sabbatha e fosahetseng e tla be e lumellana le molao oa naha, khahlanong le molao oa bone (oa

Molimo), ho tla ba le polelo e tiisang matla a puso e khahlanong le Molimo...ha sehlopha se seng se amohela ho ikoba ka tlaasa matla a lefats'e, 'me se amohela lets'oao la sebata, se seng sona se tla ikhethela ho ananela puso ea Molimo, 'me se fumane lets'oao la Molimo. **{GC88 605.2}**

Ha ntoa ena e ntse e namela libakeng tse ncha, 'me likelello tsa batho li biletsoa molaong oa Molimo o hatiketsoeng, satane o tlo hlokoheha. Matla a tla be a tsamaisa molaetsa ona a tlo hlants'a feela ba khahlanong le ona. Baetapele ba likereke ba tlo tiisa ka matla 'ohle a bona a botho ho thibela leseli lena hore mohlomong le se bonesetse mohlape. Ka hohle hohle ka taelo ea bona ba tlo hatella hore hose be le boithuto bo ka etsoang holima lipotso tsena tse bohlokoa (tse amanang le Sabbatha le Sontaha). Kereke e tlo etsa boipiletso ho letsoho le matla la 'muso, 'me kahara ts'ebetso ena bapapa le Maprosetanta ba tlo kopana hammoho. Ha mehoantoa ea ho kenya Sontaha molaong e ntse e tiea e matlafala, molao o tlo fitisoa o khahlanong le ba bolokang molao oa Molimo. Ba bang ba tlo ts'osoa ka ho famana likotlo le ho isoa literonkong, 'me ba bang ba tla abeloa litulo tse phahameng tse nang le ts'usumetso, ba bang ba tla fuoa meputso le menyetla e itseng hore ba tle ba koenehele tumelo ea bona. Empa karabo ea bona e tiileng e tla ba hore: "Re bonts'e ho hlaha lentsoeng la Molimo moo re fositseng" – kopo e ts'oanang le eo Lutere a ileng ae etsa ha ane a le tlaasa maemo a kang ao. Ba tlang ho nkeloa kapela makhotla ba tlo ema ba tiile ba phahamisitse 'nete, 'me ba bang ba ba mametseng ba tlo nka khato ea ho ema le bona, 'me ba boloke melao eohle ea Molimo. Ka tsela ena leseli le tlo fetela ho likete-kete tsa batho ba neng ba sa tsebe linnete tsena. **{GC88 607.1}**

Ho boloka lentsoe la Molimo ka tsela eo le leng ka eona hantle ho tlo nkuoa ele borabele. Ka ho foufatsoa ke Satane, batsoali ka bokhopo ba tlo hlekefetsa ngoana ea lumetseng; mohiri o tlo hatella mosebeletsi oa hae ea bolokang litaello tsa Molimo. Lerato le tlo hlokeha; bana ba tlo lahloa, 'me ba lelekoe malapeng. Mantsoe a Paulose a tlo phethahala ka kotloloho: "Bohle ba ratang ho phela ka borapeli bo ho Jesu Krete, ba tla hlorisoa joalo." **2 Timothea 3:12.** Ha baloaneli ba 'nete ba hana ho amohela sabbatha sa Sontaha, ba bang ba tlo akhelo a literonkong, ba bang ba tlo ea kholehong, ba bang ba tlo ts'oaroa joalo ka makhoba. Ka kelello ea botho ho ka bonahala ele ntho e kekeng ea etsahala; empa ha Moea oa Molimo o tlosoa bathong, 'me joale re ba ka tlaasa taolo ea Satane ea hloileng melao ea Molimo, ho tlo simoloha limaka. Pelo eka ba khopo hampe ha ts'abo ea Molimo le lerato li sieo. **{GC88 607.2}**

Ha sefefe se ntse se atamela, karolo e kholo ea ba ileng ba phatlalatsa tumelo ea bona molaetseng oa lengeloi la boraro, lehoja e sa ka ea halaletsoa ke ho boloka 'nete eo, e tlo nena boemo ba eona, 'me batho bao ba tlo kenella sehlopheng sa ba hanyetsi. Ka ho ikamahanya le lefats'e le ho amohela moea oa lona, ba fihletse boemo boo ba bebolang litaba, 'me ba li kala ka leseli le ts'oanang; ha teko e ba tlela, ho bonolo hore ba sekamele lehlakoreng le bobebe le ts'ehetsoang ke bongata. Banna ba litalenta ba likheleke ba kileng ba thabela 'nete, ba tlo sebelisa matla a bona ho thetsa le ho khelosa meea. Ba tlo fetoha lira tse fitisisang tsa batho bao ikeleng ea ba baena le bona. Ha Baboloki ba Sabbatha ba hlahisoa kapela makhotla ho arabella tumelo ea bona, bakoenehi bana ke bona ba tlo fetoha lisebelisoa tse matla tsa Satane ho hlahisa hampe le ho qosa (bakhethoa ba Molimo), 'me ka litlaleho tsa

BABILONA LE HARMAGEDONE

Babilona

Bibele e ea hlalosa hore pele ho ho khutla hoa Morena, Satane o tlo sebetsa “ka ‘matla ‘ohle, le ka lipots’o, le ka mehlolo ea bohata, le ka thetso eohle ea bokhopo”, ‘me ba sa kang “ba amohela lerato la ho rata ‘nete, ba tle ba bolokehe” ke bona ba “tlang ho romeloa moea oa thetso o sebetsang ka matla, ba tle ba lumele bohata” 2

Bathesalonika 2:9-11. Ke ha ese ho fihlela ho fiheloa boemong bona, ‘me le kopano ea kereke le lefats’e e etsahala selika-likoeng sa Bokreste ho oa hoa Babilona ho tlang ho phethehala ka botlalo. Phetoho ena ke e nkang mohato ka mohato, ‘me le phetheho ea **Ts’enolo 14:8** e tla etsahala bokamosong. {GC 389.3}

Leha hole joalo lerotho le aparetseng semoea le ho tloha hoa batho Molimong ho bonahalang kahara likereke tse popileng Babilona ho ke ke hoa hlakola hore karolo e ngata haholo ea ‘mele oa Krete eleng balateli ba Hae ba ‘nete e ntse e fumanoa likerekeng tseo. Hona le ba bangata haholo ba so hlokomele linnete tse khethehileng tsa mehla ea ha joale. Ha se palo e fokolang ea batho ba sa khotsofatsoang ke boemo bona (ba semoea se putlameng), ho bonahala bongata bo nyoretsoe leseli. Ba talima sets’oants’o se maneuoeng sa Krete ele lefeela kahara likereke tseo ba li kenang. Ha likereke tsena li ntse li sutha haholo ho ea pele ‘neteng, joale li ntse li khomarela lefats’e, phapano e kholo e tla bonahala haholo pakeng tsa lihlopha tse peli, ‘me qetello e tla ba likarohano. Nako e tla tla eo ba ratang Molimo haholo ba ke keng ba hlola ba lula hammoho le batho “ba ratang menate ea nama, e seng Molimo...ba (nang) le sebopeho sa borapeli, empa e le ba latotseng matla a jona.” {GC 390.1}

Ts’enolo 18 e supa nako eo e tla re ha molaetsa oa tlhokomeliso oa **Ts’enolo 14:6-12** o hanoa kereke e tla be e fihletse ka botlalo boemo bo boletsoeng ke lengeloi la bobeli, ‘me sechaba sa Molimo se ntse se le kahare ho Babilona se tla bitsoa hore se arohane le likereke tsena. Ona ke molaetsa oa ho qetela o tla fuoa lefats’e, ‘me o tla fihlela mosebetsi oa oona. Ha bao “ba sa kang ba lumela ‘nete, ba mpa ba thabetse bokhopo” (**2 Bathesalonika 2:12**), ba tla tlohela hore ba amohele moea oa thetso le leshano, ha leseli la ‘nete lona le tla khanyetsa bao lipelo tsa bona li ileng tsa buleha ho amohela leseli lena, ‘me bana bohle ba Morena ba ntseng ba setse kahare ho Babilona ba tla amohela pitso ena: “Tlohang ho eena lona sechaba sa ka” (**Ts’enolo 18:4**). {GC 390.2}

Harmagedone

“Johanne...ene ele paki ea liketsahalo tse nyarosang tse tla phethala ele liponts’o tsa ho khutla hoa Krete. O bone ha mabotho a bokeletsoa bakeng sa nto, ‘me lipelo tsa batho li tlala ts’abo. O bone ha lefats’e le suthisoa sebakeng sa lona, ha lithaba li akhelo mahareng a leoatle, ha maqhubu a befile, a rora, ‘me lithaba li thothomela li reketla. O bone ha linkho tsa bohahe ba Molimo li koaholloa, ha mafu, tlala le lefu li oela ba ahileng lefats’eng.

Lihlopha li peli fela lefats’eng la rona, ke ba ts’epang Molimo, le ba emeng ka tlaasa sekhele sa morena oa lefifi. Satane le mangeloi a hae ba tla tla ka matla ‘ohle le lipots’o le meeka e thetsang ba ahileng lefats’eng le bona bakhethoa hola ke ntho e ka etsoang. Tlokotsi ese ele haufi le rona. Na se ke se ka etsang hore matla a ba ts’oereng ‘nete a nonyetsehe? Na ts’uts’umetso ea matla a thetso e ka feta ts’uts’umetso ea ‘nete?

Ntoa ea Harmagedone ese ele haufi e loana. Eo seaparong sa Hae ho ngotsoeng lebitso lena, Morena oa marena le 'Musi oa babusi o etelletse pele makhotla a leholimo, a kaletse lipere tse tšoeu, a apere lene e ntle e tšoeu, e hloekileng.

Mefuta ea thetso e tlo hlaha ka mekhoha e fapakaneng ka sekhahla se makatsang. Mangeloi a lefifi a kopanya matla a bona le batho bakhopo, 'me joalo kaha ba bile kahara ntoa e kholo ebile bana le maiphihlelo a phahameng meralong ea ho jala thetso le ntoa ka mengoaha e mengata e fitileng ba ke ke ba nyahemela ntoa ea ho qetela empa ba tlo loana ntoa ena ka matla a ts'abeheng. Lefats'e lohle le tla ba hlakoreng le itseng kapa le ka nqane. Ntoa ea Harmagedone e tla loana, 'me eseka letsatsi leo le ka se re ts'oare re robotse. Re lokela ho hlasimoloha ka ho fitisisa joalo ka baroetsana ba bohlale ba ileng ba nkela lilampi tsa bona lipitsana tsa ole.

Matla a Moea o Halalelang a lokela hoba holima rona, 'me Molaoli oa mabatho a Morena o tla ema ele Eena hlooho ea mangeloi a leholimo ho laola ntoa. Liketsahalo tse nyarosang ke hona li tla etsahala ka pela rona. Terompeta kamora terompeta e lokela ho letsoa, 'me nkho ea likotsi kamora e ngoe e tla ts'olelloa holima baahi ba lefats'e. Liketsahalo tse makatsang ka chalimo li tla nka sebaka nakong ea rona.

Matla a loants'anang a mabeli a tla sibuloha ntoeng ea ho qetela. Ka hlakoreng le leng ho eme 'Mopi oa leholimo le lefats'e, bohle ba hlakoreng la hae bana le lets'oao. Ke ba mamelang melao ea Hae. Ka hlakoreng le leng ho eme morena oa lefifi, le ba ikhethetseng bokoenehi le borabele.

Nako ena ruri ke ea tlokotsi , ke nako ea ts'abo ho kereke. Mangeloi a se a apere ka

thata a emetse fela ho utloa taelo ea Molimo ea ho ts'olella linkho tsa bohlale lefats'eng. Mangeloi a motimetsi a tlo etsa mosebetsi oa phethetso; hobane hanyane ka hanyane Moea oa Molimo o ntse o tsoa lefats'eng. Satane le eena ka nqena o ntsa bokeletsa mabotho a hae a khopo a ntoa, o ea "ho marena a lefatše le a linaha tsohle tseo ho ahiloeng ho tsona," o oa bokella tlaasa sekhele sa hae, 'me o oa koetlisitsa "ho a memela (ntoeng) ea letsatsi le leholo la Molimo o matla 'ohle." Satane o tlo leka ka matla 'ohle a hae ho laola ntoa e kholo ea bofelo ba lefats'e. Lit'siea tsa mantlha tsa borapeli li tla behoa, 'me liqeto li tla lokela ho etsoa. Ho hloka tumelo ho bonahala ka linq'a tsohle. Bokhopo bo ntse bo phahama. Litho tse ts'epahalang tsa kereke ea Molimo li tlo lekoa joalo ka haeka ke tsona fela tse phelang lefats'eng.

Re lokela ho ithuta ka kotsi ea bosupa e ts'olloang ka nkho. Matla a lefifi a ke ke a tela kantle le hore ba loane. Empa Mohlokomeli o teng ho nka karolo ntoeng ena ea Harmagedone. Ha lefat'se le bonesoa ka khanya ea lengeloi la **Ts'enolo 18**, lintlha tsa borapeli, botle le bobbe, li tla bonahatsoa, 'me mabatho a Molimo o phelang a tla nka sebaka." **Khaolo ea 16 ea S.D.A Bible Commentary, volume 7, leqephe 982-983**

HO KHUTLA HOA MORENA OA RONA JESU

“Ke ka bosiu bo bohola Molimo o bonts’ang matla a Hae a ho lokolla sechaba sa Hae. Letsatsi lea hlaha, le chabe ka matla a lona. Liponts’o le meeka li latela ka potlako e kholo ka tatellano ea tsona. Bakhopo ba talima ka ts’oho le makalo liketsahalo tsena, h’a ba lokileng ba shalima ka thabo e kholo mats’oao a topollo ea bona. Ho bonahala tlhohleho e fetotse boleng ba eona. Melatsoana e khaolitse ho phalla. Lefifi, maru a mats’o a runyoloha, ‘me a khahlana hammoho sebakeng. Mahareng a maholimo a befileng hona le lepatso le le leng le emereng khanya eo ho tsoang lentsoe la Molimo le kang molumo oa metsi a mangata, le re: “ho entsoe!” **Ts’enolo 16:17. {GC88 636.2}**

Lentsoe leo le sisinya maholimo le lefats’e. Hona le ts’its’inyeho e kholo ea lefats’e, “eo, e sa leng batho ba le lefatšeng, tšisinyeho e kalo e sa kang ea e-ba teng.” **Ts’enolo 16:17, 18.** Sebaka se holimo sa phetleha, ‘me sa boela sa koaleha. Khanya e tsoang teroneng ea Molimo ho bonahala e ph’atsima le moo. Lithaba li sisinyeha joalo ka lehlaka moeeng, ‘me mafika a reketla ka mahlakore ‘ohle. Ho utloahala molumo oa maqhubu. Leoatle le befile hampe. Ho utloahala mololi oa leholuoatsoana eka ke lentsoe la matemona a khatong tsa ts’enyo. Lefats’e lohle le tamukane, ‘me le meneka joalo ka maqhubu a leoatle. Bokaholimo ba lona boa repha. Haele metheo ea lona eona e hlephile hampe. Mesika ea lithaba eona e ntse e tetebela. Lihleke-hleke tsohle tsa baleha. Maemelo a likepe tse ne se li fetohile Sodoma ka bobbe li koenyoa ke khalefo ea metsi. Babilona e moholo o tlile khopolong ea Molimo, “ho mo noesa senoelo sa veine ea khalefo e tukang ea oona.” Sefako se sehoho se le seng “se boima bo kang ba talenta” se

etsa mosebetsi oa ts’enyo **Ts’enolo 16:19, 21.** Litoropo tse kholo tsa baikhohomosi lefats’eng lia rapalatsoa. Matlo a batlotlehi ao likoankoele tsa lefats’e lena li ikhobileng ka ona a pshatleha ka ho panya ha nts’i. Mabota a teronko a hahooa ka lehare, bana ba Molimo ba ileng ba tlangoa ka lebaka la tumelo ea bona ba lokoloha. **{GC88 636.3}**

Mabitla a buleha, ‘me “ba bangata ho ba robetseng leroleng la lefats’e ba...tsoha ba bang ba tsohele bophelo bo sa feleng, ba bang ba tsohele lihlong le sekhobo se sa feleng.” **Daniele 12:2.** Bohle ba ileng ba shoela tumelong ea molaetsa oa lengeloi la boraro ba tsoa mabitleng ba tlotleha, ho mamela selekane sa Molimo sa khotso seo a se hlabang le ba bolokileng molao oa Hae. “Le bona ba mo hlabileng” (**Ts’enolo 1:7**), ba ileng ba rohaka, ‘me ba nyelisa mahloko a Krete sefapanong, le bahanyetsi ba baholo ba ‘nete ea Molimo le batho ba Hae, ba tsosoa hore ba bone khanya ea Hae le ho talima ha tlhompho e neoa bats’epehi le baetsi ba thato ea Molimo. **{GC88 637.1}**

Morena oa marena o kaletse leru, le aperetsoeng ke khanare ea mollo. Maholimo a finahana joalo kaha lengolo le phuthoa, lefats’e le thothomela kapel’a hae, ‘me lithaba le lihleke-hleke li suthulisoa litulong tsa tsona. “oa tla, Molimo oa rōna, o ke ke oa khutsa; o etelloa pele ke mollo o timeletsang, o teetsoe hare ke sefefe se tšabehang. O bitsa maholimo a holimo le lefatše, hore li tle kahlolong ea sechaba sa oona” **Pesaleme 50:3, 4. {GC88 641.2}**

“Marena a lefatše, le ba baholo, le barui, le balaoli, le linatla, le bohle ba ruiloeng, le bohle ba sa ruoang, ba ipata mahaheng le mafikeng a lithaba, ba re ho lithaba le ho mafika: Re oeleng holimo, le re pate pel’a

sefahleho sa ea lutseng teroneng le pel'a bohale ba Konyana. Hobane letsatsi le leholo la khalefo ea eona le chabile, 'me ho ka ema mang?" **Ts'enoelo 6:15-17. {GC88 642.1}**

Ho na le ba ileng ba rohaka Krete h'a ntse a hlokofofatsoa. Ka matla a ts'abehang hoa fihla mehopolong ea bona mantsoe a Motlatlapuoa ha mopriesta e moholo a ne a bua a re: "Ho tloha joale, le tla bona Mor'a motho a lutse letsohong le letona la matla a Molimo, 'me a e-tla ka maru a leholimo" **Mattheu 26:64. Joale ba 'mona a le khanyeng ea Hae, 'me ba tla boela ba 'mona hape a le letsohong le letona la matla. {GC88 643.1}**

Maphelong a ba ileng ba hana 'nete ke nako eo matsoalo a tsohang, 'me joale ho tla mehopolong ea bona pokello ea liketso tsa bona tsa boikaketsi, 'me meea ea bona e hlajoa ha bohloko ke ho ikoahlaha ho ke keng hoa hlola ho ba tsoela molemo. A ke ts'oabo e kakang letsatsing leo "matsoso a le hlahelang joalo ka lifefo" mohlang "litlokotsi li le mathelang joalo ka litsokotsane!" **Liproverbia 1:27. Bao ba ile ba bolaea Krete le balateli ba Hae tsatsing leo ke lipaki tsa khanya ea Hae e ba kupelitseng. Ha ba ntse ba tlakasela ke ts'abo ba utloa mantsoe a bahalaleli a tlerola ka nyakallo are: "Bonang, ke oona Molimo oa rōna, oo re o tšepileng hoba o tla re boloka; ke eena Jehova eo re mo tšepileng; a re nyakalleng, re thabele topollo ea hae" Esaia 25:9. {GC88 644.1}**

Kahara lefats'e le reketlang, le khanya e phatsimang, le ho rora hoa letolo, lentsoe la Mor'a Molimo le bitsa bahalaleli ba robetseng. O talima mabitla a ba lokileng, 'me ka ho phahamisetsa matsoho a Hae leholimong o meketsa a re: "tsohang, tsohang, tsohang, lona ba robetseng leroleng' 'me le phahame!" Ho ea ka bolele le

bophara ba lefats'e bafu ba tla utloa lentsoe la Hae, 'me ba le utloang ba tla phela. Joale ke moo lefats'e lohle le tla tlala ka mabotho a hlollang ho hlaha bathong ba lichaba tsohle, merabe eohle le maleme 'ohle le lipuo tsohle. Ho tsoa teronkong ea lefu ba tsoa ba apesitsoe ka 'mele o sa shoeng, 'me ba lla ba re: "Na lefu, tsenene ea hao e kae na? Uena lebitla, ho hlōla ha hao ho kae na?" **1 Bakorinthe 15:55. Ba lokileng ba phelang le bahalaleli ba tsohileng bafung hammoho ba kopanya mantsoe a bona ka mohoo o moholo o tletseng thabo le tlhoho. {GC88 644.2}**

Ba lokileng ba phelang ba fetoha "ka ho panya ha leihlo." Ka lentsoe la Molimo ba ile ba apesoa khanya; joale ba entsoe ba sa shoeng, 'me hammoho le bahalaleli ba tsohileng mabitleng ba nkeloa holimo ho khahanyetsa Morena sebakeng. Mangeloi "bokellang bakhethoa ba ka ho tloha meeng e mene ea lefats'e le ho isa pheletsong ea leholimo." Maseea a manyane a nkeloa ho bo 'm'a bona ke mangeloi. Metsoalle eo e leng khale lefu le ba arohantse e boela e kopana 'moho, ha ho le ka mohla ho tloha tsatsing leo ba tla hlola ba arohana, 'me ka thoko tse tletseng thabo ba nyoloha hammoho ho ea Motseng oa Molimo. **{GC88 645.1}**
